

KAANO KA BUUMI BWANGU



Atu kotamike mitwe yesu kwakaindi kasyoonto ku mupailo.

Taata wesu siluzyalo Wakujulu, kwalo nincobeni kuba a zyoolwe nzo tujisi zya kuswena kuli Nduwe, Leza wesu a Mufutuli. Kumvwa nyimbo eyi mbotu loko, *Obo Mboli Mulemu*, ila tubotelezya nkaambo kakuti tu lizi kuteeti Uli mulemu. Elyo twa lomba kuti bupati Bwako buyo yubuluka kuli ndiswe cabupya, isikati sunu, mbuli mbo tu kanana. Elyo cawida ku bulizi bwangu, ku ciindi citaanzi mu myaka minji, kusola kupiluka mu buumi bwakale, elyo Nda lomba kuti Uyo ndipa nguzu a—a ceeco nco Ndi bulide, Mwami, kuba mu oora eli. Elyo akube kuti bulubizi bwangu boonse mu buumi bwangu bukabe lugwasilizyo kuli bamwi, a kuyo baleta munsu maningi kuli Nduwe. Ko cipa, Mwami. Akube kuti basizibi babone ndyato zyamaulu aa miseenga ya ciindi, alimwi akube kuti basololelwe kuli Nduwe. Zintu ezi twa zilomba mu Zina lya Mwami Jesu. Amen.

Inga mwa kkala.

² [Mukwesu Glover waamba, “Sa inga wakombela tusila otu kotana talika?”—Mul.] Nda botelwa. [“Kuli *otu* a *oto* tuyandika kukombela.”] Ncibotu, munene, ndaku lumba. Mbuli mwaalumi oyu musalali, Mukwesu Glover, oyo Ngwe kaziba lino kwa myaka ikubwene, ndakali acoolwe cakuba a nguwe kwaciindi cisyoonto mangolezya ainda. Elyo wa kandaambila zya... wakali lede kwakaindi kaniini, kapumuna. Elyo lino, ku myaka ya makumi ali ciloba ayosanwe yakukomena, uli mukujokela mu mulimo wa Mwami. Nse katede akatikati mbuli Mbwe kabede Nke tana kumvwa eco. Nda kayeeya kuti Nda kali katede, pele Nse—Nse syomi kuti Mbwe bede. Wa ndibikkila buyo tusila awa tumwi, mu i—i ciimo ca mvulupo, a zimwi zimbi, awo mpozili mukati a kuvunikwa kale.

³ Lino, kufumbwa wanu mu cisi ca sikapepele, na kuno, uuyanda kamwi ka tusila otu, elyo inga wa... I Tempele lya Angelus lila tutuma kumasena cakuzumanana, ciindi coonse. Inga walembela mpoonya awa ku Tempele lya Angelus nkabela bayo kakombela, nkaambo Ndiyo mupa kaanzambwene kakuti Malembe. Calo ncisyomezyo ca Leza.

⁴ Elyo ikuti na inga caba kuti uyanda kuteeti ndikombele kamwi kako, baa, Ndiyo botelwa kucita eco. Inga wandilembela buyo ku offesi lya mposo 3-2-5, 325, Jeffersonville, libalwa tubala kuti J-e-f-f-e-r-s-o-n-v-i, ba 1 bobile, e. Jeffersonville, Indiana. Na ikuti to yeeya zya bbokesi lya offesi lya mposo, kolemba buyo “Jeffersonville.” Lyalo ndi dolopo liniini, lyabantu

boonse bapona kutandila zyuulu zili makumi otatwe aosanwe. Bantuboonse bali ndizi kuya. Elyo aboobo inga twa botelwa ku kombela kasila a kukutumina.

⁵ Elyo, lino, tu jisi kuzwidilila kupati mukucita eci, nkambo. . . Uyooba a lugwalo luniini lwakulembela kuli nkako, cakuti bantu koonse ku nyika bala komba cifumo acifumo aa naini okuloko, alimwi aa twelufu okuloko alimwi aa thrii okuloko. Elyo inga mwayeeyela, koonse kunze ee nyika, ino nciindi ca masiku kuti babuke akucita mupailo oyu. Aboobo ikuti na aba boonse bali makumi aa zyuulu, a zya zyuulu, bali mukutuma mipailo kuli Leza cakuti kuciindi ncoonya eco ca mulimo oyu, malwazi anu, Leza ta konzyi ncoveni kufutatila eyo. Elyo aboobo lino swebo, mbuli mbo Nda amba, ta tujisi makanze amatobelanwa ali oonse, ta tulindili kkobili lyomwe lya mali. Tuli buyo. . . Ikuti na inga twa kugwasya, ako nkekaambo nco tuli ano. Elyo atu. . .

Muntuumwi ulimu kuleta cikama cimbi ca tusila.

⁶ Lino, ikuti na to jisi kasila ako nkooli kuyanda kutuma, ee, mpawo kolembela buyo, nekuba. Ikuti na to kayandi kukabelesya eno buya, ko kayobola mu Bbuku lya Incito, mu Bbaibbele, cipati 19. Elyo ciyooba mu ciimo ca kalembo kaniini katuba nke tuyo kutumina, a malailile anzila mbo elede kulilekelela zibi zyako lutaanzi. Elyo (ndaku lumba) anzila mbo elede kulilekelela zibi zyako. Yebo to elede kusola kujana cintu cili coonse kuzwa kuli Leza kakutakwe kusaanguna kululama kuli Leza. Mwabona? Elyo mpoonya ulalaililwa muli eci kwiita simukobonyoko kuba mubusena, a mweembeli wako. Ikuti na ujisi cintu cili coonse mu moyo wako cankoto ku muntu umwi, koya ukacilulamike kusaanguna, nkabela upiluke. Elyo mpoonya kokomba, koba a muswaangano wa mipailo mu ng'anda yako, elyo kosuma kasila aka kungsi lya cikobela, mpoonya kosyoma Leza. Elyo ku maora ayo otatwe, buzuba abuzuba, kuyooba bantu ku nyika yoonse bakomba, mukutobelana ku nyika yoonse.

⁷ Elyo lino nkikako, kabuyo cakumaninina, kotuma buyo. Elyo—elyo, lino, ta tuka kusanduli kukusesa na ku kwaambila makanze amwi nge tu jisi. Tu yanda kuti mugwasye makanze, pele ta tu—tu jisi amwi andinywe kuti mugwasye. Mwabona? Aboobo ula. . . Ta kuli kujana kkeyala yako, nkubayanzanya buyo kukucinca kwaziimo a mulimo wa Mwami, oyo ngo tusola kubeleka.

⁸ Lino atu kotamike mitwe yesu. Elyo ikuti na uli mu cisi ca sikapepele, kobamba kasila kako kaka bikkidwe awo, kobikka buyo janza lyako aali nkako kuciindi notu komba.

⁹ Mwami Siluzyalo, twa Ku letela tuputu otu tuniini, antela tumwi twato tu boneka kuba ndiza tuvesiti tuniini ndiza twa bavwanda, na—na kabaanda kamwi, na ndiza tusokesi tuniini,

na—na cintucimwi, kasila, ako kaya ku balwazi a bapengede. Mwami, cili mbuli ku Ijwi Lyako cakuti twa cita ceeci. Nkambo tula bala, mu Bbuku Iya Incito, kuti ba kagusya ku mubili wa mulanda Wako, Paulo, tusila a tutambala, nkambo baka syoma kuti Muuya Wako wakali aa muntu. Elyo myuuya mibi yakazwa mu bantu, nkabela mapenzi a malwazi aka basiya, nkaambo baka syoma. Elyo lino tula mvwisya, Mwami, kuteeti ta tuli Musalali Paulo, pele tu lizi kuti Ucili Jesu mbubonya. Elyo twa lomba kuti Uyo zwidiliza lusyomo lwa bantu aba.

¹⁰ Elyo kwa kaambwa ciindi cimwi kuti ciindi Israyeli, mukusola kuswiilila Leza, baka jatwa mu kooze, lwizi kumbele lyabo, malundu ku mabazu oonse, nkabela impi ya Farao kaiza buswena. Elyo umwi wakaamba, kuti “Leza wakalangila aansi kwiinda mu Musumpululu oyo wa Mulilo, a meso aabukali, mpawo lwizi lwaka yoowa elyo lwa kapilauka kujoka lwini, elyo kwa kabambwa nzila ya Israyeli kuzabuka kuyaku nyika ya cisyomezyo.”

¹¹ O Mwami, kolangila aansi alimwi, cindi tuputu oto twa kubikkwa aa mibili iiciswa mu ciibalusyo ca Ijwi Lyako lipona. Elyo akube kuti bulwazi buyoowe, kolangila aansi kwiinda mu Bulowa bwa Mwana Wako, Jesu, Oyo waka fwida mulungo oyu. Elyo akube kuti sinkondo ayoowe a kutantamuka, kuti bantu aba bakonzye kunjila mu cisyomezyo, cakuti “Kwiinda zintu zyoonse,” kuti nkuyanda Kwako “kuti tu zwidilile mu nsebambotu.” Ko cipa, Taata, nkambo twa cituma aciimo eco—a eco mu moyo wesu. Alimwi obo mbo bukanze bwesu. Twa cituma mu Zina Iya Jesu Kristo. Ameni.

Ndaku lumba, Mukwesu Glover. Ndaku lumba, munene.

¹² Lino, sunu masiku mukuba kujala kwa cibeela eci ca lubukulusyo, Ta ndizi naa kuyooba kumwaisya kubuleya na pe, pele Ndi yanda kwaamba (ikuti na pe) ku baswiilizi baku maredio, kuti oyu wali umwi wa miswaangano mibotu loko oyo Ngwe kajisi myaka, minji minji. Wali muswaangano wakubelekela aamwi uusitikide, mubotu, waluyando maningi, oyo Ngwe kanjila kwa ciindi maningi.

¹³ [I mukwesu waamba, “Tuli muluwo kusikila kkota kuzwa foo, mukwesu. Elyo bali mukuswiilila kuli nduwe, koonse ku California ya kumusanza, kumasena mu tusuwa, a mu maato. Tula jana milumbe kuzwa kuli mbabo. Alimwi mu jisi nkamu mpati yabantu, zyuulu a makumi aa zyuulu.”—Mul.] Ndaku lumba, munene. Eco ncibotu maningi. Botelwa kumvwa obo. Leza amu longezeye nyoonse.

¹⁴ Elyo lyoonse ncobeni Nda kajisi busena bupya mu moyo wangu nkambo ka Tempele Iya Angelus, ku kwiima kwalyo kwa Makani aazwide aa Jesu Kristo. Elyo, lino, ci—ci boneka cigeme loko kuli ndime lino. Ci boneka mbuli, kumane muswaangano wa bantuboonse a kubona muuya wabo mubotu, Ndi boneka

mbuli kuti Ndili umwi buyo loko wa ndinywe kwiinda mbo Nda kabede. Leza amu longezeze, ngo mupailo wangu. Elyo... [Baswiilizi balumbaizya mukukamba—Mul.] Ndaku lumba, cabuuya.

¹⁵ Lino, caabilwa kuli ndime kuti sunu Nde elede kubaanga nkwaambaula kuli ndinywe kwakaindi kaniini aa: *Kaano Ka Buumi Bwangu*. Eco i—i ncintu ciyumu kuli ndime. Eci ciyooba ciindi citaanzi nce Nda sola kukalanganya kwa myaka minji. Elyo inga Tii ndaba a ciindi cakunjila mu tumpangaliko tusakene, pele cibeela buyo ca nkako. Elyo, mukati omu, Nda kacita bulubizi bunji, kacita zintu zinji ezyo zya kalubide. Elyo Ndiyo yandisya, kuti nywebo mu cisi ca redio a nywebo no muliko eno, kuti tamu kabwezi bulubizi bwangu kuti bube zilebyo, pele zigwasilizyo zyakumuleta munsu loko ku Mwami Jesu.

¹⁶ Mpoonya, sunumasiku, makkaadi aa mipailo ala vozegwa ku mulimo wa kuponesegwa sunumasiku. Lino, cindi twa kanana *mulimo wa kuponesegwa*, ta caambi kuti tuyo ponya muntuumwi, tuyo “kombela muntuumwi.” Leza ngu uponya. Wa kali siluziyalo ncobeni buyo kuli ndime, kuvwiila mupailo.

¹⁷ Elyo Nda kali kwaambaula ku mweendelezi wa muvangeli uzizilwe, kuno ciindicimwi cainda, elyo—elyo kwa kabuzigwa kaambo muvangeli oyu ncatakali ku kombela balwazi. Elyo muvangeli wakaingula i—i mweendelezi wa miswaangano yangu, kati, “Ikuti...” Oyu muvangeli ulasyoma mu kuponesegwa kwa Buleza. Pele na uyo talika kukombela balwazi, inga kuyonyonganya mulimo wakwe nkaambo kakuti ugwasigwa a mabungano. Mabungano manji, alimwi bunji bwa ngawo, taa syomi mu kuponesegwa kwa Buleza.

¹⁸ Aboobo Ndi jisi lulemeko a bulemu ku muvangeli nkaambo ubamba busena bwakwe, bulizi bwa mulimo wakwe. Antela na kakonzya... Ne taka konzya kubweza busena bwakwe, alimwi Nda zumbauzya kuti na kakonzya kubweza busena bwangu. Toonse tuli jisi masena mu Bwami bwa Leza. Toonse tuli swaangene antoomwe. Zipego zyandeene, pele Muuya omwe. Kutondezegwa kwandeene, Ndali kupandulula, pele Muuya omwe.

¹⁹ Elyo, lino, sunumasiku milimo ila talika... Ndi yeeya kuti baamba kuteeti nkosaadi ilatalika aa sikisi-theeti. Elyo, lino, ikuti na uli mu zyooko zibelesya maredio, basangane bamwi kuswiilila eci. Cili... Ciyooaba cibotu, mbocibede lyoonse.

²⁰ Elyo mpawo Ndi lombozya kwaamba kuti makkaadi aa mipailo avozegwe mpoonya buyo kwamana kuswaangana oku, ndyoonya buyo kuswaangana oku kwamwaisigwa, ikuti na uli kuno alimwi uyanda kkaadi lya mupailo. Nda laililwa mukati omo kaindi buyo kasyoonto kainda, mwana wangu a Ba. Mercier na Ba. Goad, bayo vozya makkaadi aa mipailo. Kokkede buyo

mu cuuno cako. Kuswaangana kwamwaisigwa buyo, kokkede buyo mu cuuno cako kuteywa balombe inga baselemuka kwiinda mu mundando a kubona kuti makkaadi aa mipailo avozegwa cakufwambaana ncobeni mbuli mbo kukonzeka. Ba nooli mu mabbalukkoni na aa cibuye caansi, kufumbwa busena, zibuye zyaansi na kufumbwa mpobede, kokkede buyo mu cuuno cako nkabela balombe bayo ziba uli kokuno ku kkaadi lya mupailo. Elyo mpawo sunumasiku tuno kombela balwazi. Elyo ikuti na Mwami tacinci mizeezo yangu, Ndi yanda kukambauka aa ciyo sunumasiku, *IKuti Na Uyo Tu Tondeezya Uso, Kuyo Tu Kkutya.*

²¹ Lino Ndi yanda kubala cibalo ca masakati aya, kutalika buyo *Kaano Ka Buumi*, cijanwa mu Bbuku lyaba Hebrayo, cipati 13, nkabela atu talikile awa kutandila . . . Inga ndaamba kutandila kampango ka 12.

Mukuba ceeci Jesu awalo, kuteywa asalazye bantu ku bulowa bwakwe bwini, wakapenga aanze lya mulyango.

A tweende . . . aboobo kuli nguwe aanze a cilabba, katuyumwide mause akwe.

Nkambo kuno ta tujisi muunzi uzumanana, pele tu yandaula umwi kuboola.

²² Lino oyo ngo musyobo wa cibalo. Nkambo, nywebo mwabona, ikuti na nkaano ka buumi, na kufumbwa cintu cijatikizya muntunsi, ta lemeki eco, elyo kapati i—i zyaka inda zya muntu, ikuti na kwakali kusiya mbuli kwangu mbo kwaabede. Pele Nda kayeeya, ikuti na twa bala Malembe, Leza inga uyo leleka Malembe. Elyo muzeezo wangu ngu:

Kuti kuno ta tujisi muunzi uzumanana, pele tu yandaula umwi kuboola.

²³ Lino, Ndi lizi mula yandisya loko Los Angeles. Muli jisi nguzu kuba boobo. Walo muunzi mupati, mubotu. A sikunku wao a zimbi nekubaboobo, muunzi mubotu, ciindi cabube cibotu. Pele muunzi oyu taukonzyi kuzumanana, ulelede kuba a magolelo.

²⁴ Nda kaima mu Rome (oko bami bapati) a miinzi njo bakali kuyeeya kuti inga bayooyaka itafwiki, a kusya kuyaansi tukokola tuli makumi obile kuyo jana zicaalwa zyayo zya madolopo akamwaika.

²⁵ Nda kaima awo ba Farao mpo bakajisi mami abo mapati, elyo inga wacita kusya aansi mu bulongo kuyo jana awo ba Farao bapati mpo bakali kulela.

²⁶ Toonse swebo tula yanda kuyeeya makani a muunzi wesu a busena bwesu. Pele, amuyeeye, taukonzyi kwiima.

²⁷ Cindi ni Nda kali mulombe muniini Nda kalikunga nduunka ku cisamu cipati ca mappo. Mu cisi cangu tu jisi masamu manji amisyobo miyumu. Elyo mpawo twa kajisi masamu aya aa mappo, cisamu ca mappo cijisi kulweela, elyo tu ziita

kuti “mappo muyumu” a “mappo mutete.” Eci cisamu cipati maningi, cakali cisamu cibotu maningi. Elyo cindi ni Nda kali kunga ndaboola kubako kuzwa kumasena aamilimo, kubeleka mukubamba bwizu bwakulya zivubwa a—a butebuzi, Nda kali kubotelwa kuunka ku cisamu eci cipati a—a kukkala aansu kungsi lyaco a—a kulungumana. Elyo Nda kali kukonzya kubona mitabi yaco mipati, yanguzu kiilyuumba mu guwo, mitabi mipati ncobeni. Elyo Nda kati, “Yebo ulizi, Nda syoma kuti cisamu eci cinooli awa kwa myaanda a myaanda ya myaka.” Kutali cindi cilamfu Nda kalanga ku cisamu cakaindi, ncisamu buyo cakafwa.

²⁸ “Nkambo kuno ta tujisi muunzi uzumanana.” Peepe, taakwe cintu ano a nyika nco konzya kulanga ciyo zumanana. Ci leelede kuba a magolelo. Zintuzyoonse zifwika zyeedelede kupa mweenya ku kutafwika. Aboobo takukwe makani obo cabubotu mbo tu yaka migwagwa yesu mipati, obo cabubotu mbo tu bamba mayake esu, zyoonse zyeedelede kumana, nkambo kuno kwiina cintu cikonzya kuzumanana. Cita biyo Citabonwi nce cizumanana.

²⁹ Nda yeeya ng’anda njo twakali kuponamo, yakali ng’anda yakaindi ya zisamu yakamatwa aa bulongo. Nda. . . Antela ndiza banji tabana bwene ng’anda yakamatwa aa bulongo. Pele yakamatidwe aa bulongo koonse, nkabela zisamu zipati loko zyakali mu ng’anda eyo yakaindi, Nda kayeeya kuti ng’anda eyo iyoima kwa myaanda ya myaka. Pele, nywebo mulizi, sunu awo ng’anda eyo mpo yakaimvwi kuli mulimo wakuyaka maanda manji. Kuliindene maningi. Zintuzyoonse zilacinca. Pele. . .

³⁰ Elyo Nda kali kunga ndibona bataata, bakali mwaalumi kumwi, mufwaafwi uzuunyene, wanguzu loko, elyo bakali umwi wa baalumi baniini bayumu maningi abo Mbe kazyi. Nda kaswaana Ba. Coots, mulombwana oyo ngo bakali kubeleka awe mu zitanda, wa kali musambazi wa mapulanga, elyo kutandila mwaka wainda, elyo Ba. Coots mulongwe wangu mubotu loko, a daikona mu mbungano ya Baptisti Ntaanzi, elyo ba kati, “Billy, weelede kuti koli mwaalumi wanguzu ncobeni.”

Elyo Nda kati, “Peepe, Nseli obo, Ba. Coots.”

³¹ Wa kati, “Ikuti na wakakozya bauso, inga waba obo.” Kati, “Nda kabona mwaalumi oyo, kalema mapaundi aali mwaanda a makumi one, kalongela citanda mu moota alikke, eco cakali kulema mapaundi ali myaanda ili fuka.” Ba kaliziyi buyo nzila ya kucicita. Ba kali bayumu. Nda kali kunga ndababona kabanjila mu busena kuti basambe a kulibambila ku cisusulo, cindi Baama nibakali kunga babaita.

³² Elyo twa kajisi cisamu cakaindi ca mappo kumbele lya lubuwa, elyo mpawo kwakali zimwi zisyoonto zyotatwe na zyone ambali kuya kusule. Elyo nkoonya ku cisamu kwakali ciboniboni cakaindi cakulilangila, caka pwaika, ciboniboni,

cimwi cipati. Elyo cakali anzikidwe ku lubazu lwa cisamu a mpikili kazi gogomekedwe mukati. Kubaanga mbuli eco nywebo nobabezi bamapulanga baswiilila ku maredio inga mwa ciita kuti “caanzikilo ca mabbaki.” Caka gogomekwa mukati kujatilila gilazi mu busena bwalyo. Elyo kwakali cikamu ca kagabba cakaindi. Mbangaye bakasola kubona kagabba kakaindi. . . cikamu ca kagabba cabubambe bwakaindi? Inga ndacibona buyo.

³³ Elyo mpawo kwakali cipulanga cisyoonto cakukumbila zisani, cibboodi buyo cisyoonto cijisi kuulu kuniini kucengeme kungsi ancico, ligagaidwe ku cisamu. I ciguju ciniini, cakaindi, caciindi cisyoonto icakali kupompelwa salufa oko nko twa kali kuguja maanzi, elyo twa kali kusambila aa cisamu eci cakaindi. Elyo Bamaama bakali kunga batola tukkwico twakubikkila zilyo a kupanga zisansamuzyo. Nguni wakasola kubelesya cisansamuzyo ca tukkwico twakubikkila zilyo? Ee, Ndili masimpe Ndili mvwa kabotu akwanguluka eno. Elyo zisansamuzyo ezyo zipati, zigalankene zyakaindi! Elyo cindi niba kali kunga batucitila kusamba kwa bana baniini, bakali kunga . . . limvwa mbuli kuti bakali kukumba kukupulula lukanda ziindizyoonse nibakali kukumba. Elyo Nda yeeya ci saka eco cakaindi. Elyo bakali kunga basomona tutambo tumwi, kupanga tuzakala tuniini, kubaanga nku cisakatizya.

³⁴ Mbangaye bakasola kulala aa bulo bwa bwizu amapepe? Ee, Ndiyo—amba! Mbangaye bakasola kuziba pilo wabwizu? Ee, Mukwesu Glover, Nda limvwa kabotu akwanguluka eno, masimpe kweelede! Bulo bwa bwizu amapepe, ee, tacinaba ciindi cilamfu loko kuzwa ne kazwa buyo kuli bumwi, elyo cakali. . . Oh, kwalo—kwalo nkoona kubotu, kutontola. Mpawo mu mapeyo ba bweza bulo bwa mapepe akaindi a kwayala aali mbubo, nywebo mulizi, elyo mpawo bakali kubikka isila demu kutuvumba nkaambo ka caanda cakali kuungila mukati i—i—i ka lwaanzi mu ng’anda, nywebo mulizi, oko matawelo aamapulanga aabikkwa kubwaanda akaindi akalikunga avumbuka, nywebo mulizi, elyo caanda cakali kunga cikunkila muli njiyo. Elyo, oh, Inga ndayeeya eco kabotu loko.

³⁵ Elyo mpawo Bataata bakali kunga bajisi ca kugezya. Nda . . . Lino eci ciyo musika. Ca kabambwa kuzwa ku cinkosi ca mapopwe, cakunyoozya ica cinkosi ca mapopwe. Wa kali kunga wabweza nsipa ya kusanziya akuwashila yakaindi iya bamaama eyo njoba kapangide, kwibamba a kwiibikka ku busyu bwakwe ca kugezya eci cinkosi ca mapopwe, a kubugela kubelesya mbeli ndamfu iipetwa, mpati yakaindi. Elyo mu Nsondo wa kali kunga wa bweza i—i tubeela twa mapepa, a kunamatika kuzunguluka bbanti lyakwe, bakali kusama mabbanti masila azipulasitiki zibalangala a kwaa bikka kuzunguluka kkola mbuli obu kulesya i—i—i covu kulokela aa

kkola lya shaati lyakwe. Sena mwakasola kubona eco kacicitwa? Baa, ma, ma!

³⁶ Nda yeeya kasensa kaniini kakaindi kuni kuselelo, oko nko twakali kuunka kunywa maanzi, a kuteka maanzi esu kuzwa ku citesyo ca lufulu. Mbangaye baka sola kubona citesyo ca lufulu? Ee, bali bongaye banu bazwa ku Kentucky, akwalo? Inzya, ee, amulangisye buyo kuno kubana Kentucky. Ee, ma, Ndili—Ndili nkoonya ku...Ndi yeeya kuti koonse kwakali babelesi bamu myuunda bazwa ku Oklahoma a Arkansas abusena awa, pele kuboneka mbuli Kentucky ili mukunjila. Ee, baka bbutukizya mungwimba mu Kentucky myeezi misyoonto yainda, nywebo mulizi, aboobo ndiza mbembabo bamwi baboola munzila eyi.

³⁷ Elyo mpawo Nda yeeya cindi Bataata nibakali kunga baboola a kusamba kuti balye cibusulo, bakali kunga basuta maboko abo aashaati, amaboko mafwaafwi maniini atomene. Elyo cindi nibakali kunga batambika maboko abo kuti basambe, kukupila maanzi ku busyu bwabo, yalo milambi ya kazingene buyo mu maboko abo maniini. Elyo Nda kati, “Yebo ulizi, bataata bayopona kuba myaka iili mwaanda amakumi aali osanwe yakukomena.” Bakali bayumu maningi! Pele bakafwa kabali makumi osanwe a yobile. Mwabona? “Kuno ta tujisi muunzi uzumanana.” Mbo mbubo. Ta tukonzzi kuzumanana.

³⁸ Lino atu bweze lweendo luniini, swebo toonse. Kuli umwi aumwi wanu awa uujisi kaano ka buumi, mbubonya mbuli Mbwe cita, alimwi ncibotu kweenda mukulikwaya kuselemuka ku mugwagwa wa kwiibaluka ziindi zya kulobokeya. Sena ta muyeeyi obo? Amu jokele buyo, nkabela toonse atu jokele kwa kaindi kaniini, eelyo ku luzibo lukozyanya mbuli bana baniini.

³⁹ Elyo lino cibeela citaanzi ca kaano ka buumi. Ndiyo kapa buyo kuguma kusyoonto, nkaambo kali mu bbuku alimwi bunji bwanu muli jisi bbuku.

⁴⁰ Nda kazyalilwa mu kaanda kazisamu kamu zilundu, kutala mu malundu aa Kentucky. Ba kajisi kampetu komwe motwakali kukkalila, kwaanyina cilembo aa cibuye, akwalo kwaanyina nkuni aa cibuye, cakali buyo cibuye citakwe acintu. Elyo cifumpu, atala a cifumpu cakatendwa a maulu otatwe aali ncico, nkabela eelyo lyakali tafule lyesu. Elyo boonse abo bana Branham baniini bakali kunga balundana koonse kuya, elyo anze kumbele lya kaanda kazisamu kaniini kakaindi, a kubumbuluka koonse, kuboneka mbuli akali awo nkamu ya tu opossu mpo twakali kubumbuluka awo oonse mu suko, nywebo mulizi, bakwesu boonse baniini. Twa kali fuka, a musimbi muniini omwe, elyo waa kajisi ciindi ciyumu maningi aakati kankamu ya balombe. Tu leelede kumu lemeka nekubaboobo sunu kuzwa kuzintu nzo twa kacita mu mazuba ayo. Taakali kukonzza kweenda andiswe kuli koonse, twa kali

kunga twa mutanda kujokela, waa kali musimbi. Aboobo taakali kucikonzya kucizumina, nywebo mulizi. Aboobo twa kajisi . . . Elyo boonse . . .

⁴¹ Amuyeeye kaindi kusule lya tafule twa kajisi buyo zyuuno zyuobile, ezyo zyakabambwa kuzwa ku makwa a mitabi. Masamu buyo akaindi atanasima aa mukкуси akabikkwa antoomwe, elyo kungsi lya ngawo akaangidwe aloozu lwa cikwa ca mukкуси. Sena umwi wakasola kubona cuuno ca cikwa ca mukкуси? Inzya. Elyo inga Nda mvwa Bamaama nekuba. Oh, kumane obo cindi ni twa kanjila busena oko nkwaali kukonzya kuba a cibuye ca mapulanga, a bana abo aa mabelo abo mbuli *boobu*, elyo kuzunganya cuuno eco cakaindi cipati, cipati, kuvupula aa cibuye. Elyo Nda yeeya kubamba bantu abo baniini kutazwa ku cibuye, cindi nibakali kusanzya na cintucimwi, bakali kunga balazika cuuno a kucinyona kubaanga nkwiinganya ku citendele, kubamba bana abo kutazwa cindi nibakali kuunka ku kasensa kuyo teka maanzi, a zimwi zimbi.

⁴² Elyo Bamaama bakali a myaka iili kkumi ayosanwe yakukomena cindi ni Nda kazyalwa, Bataata bakali kkumi alusele. Elyo Nda kali mutaanzi wa bana bali fuka. Elyo ba kandaambila kuti cifumo eco ne Nda kazyalwa . . .

⁴³ Lino, twa kali bacete loko, bacete loko iba bacete. Elyo tii twa kajisi akwalo mpulungwido mu kaanda aka kaniini. Kakajisi mbuli mulyango muniini wa mapulanga wakuti wajula. Nda zumbauzya naa mwakasola kubona cintu cimwi mbuli oyo. I mulyango muniini wamapulanga wakali kujula mubusena bwa mpulungwido, mula ubamba kuu jukide isikati a kuujala masiku. Tii twakali kukonzya kuyasya malaiti na akwalo kutenta parafini mu mazuba ayo, twa kajisi eco neo mwiita kuti “lampi libelesya mafuta malemu.” Lino, Ta ndizyi naa mwakasola kuziba lampi libelesya mafuta malemu mbo lyakabede. Ee, ino mucu . . . Elyo sa mwakasola kuula . . . kuumpa cikoto camusamu paini? Ku bweza buyo cikoto ca paini a ku yasya aku cibikka a civunisyu, ciyo yaka. Elyo ciyo . . . kasuka busi asyoonto, pele tiiba kajisi zintu zya mu ng’anda, akwalo, zyakuumpa. Aboobo cakali buyo . . . kaanda kazisamu kakaba aabusu. Kakali kuzwisya kabotu nkaambo kwakali ciluli cikubwene awo kuli nkako kuti kazwisye mu cipulo. Aboobo ka . . .

⁴⁴ Elyo Nda kazyalwa mu Mukubwekangala i—i 6, 1909. Mubwini, nywebo mulizi, oko kundibamba kwiindilila aniini ku makumi obile ayosanwe eno. Elyo aboobo, cifumo ne Nda kazyalwa, Bamaama bakati baka jula mpulungwido. Lino, tii twakajisi madokotela, kwakali sikutumbusya. Buyo . . . Elyo sikutumbusya oyo bakali banene. Elyo aboobo cindi ni Nda kazyalwa alimwi kutalika kwangu kutaanzi kulila, alimwi—alimwi Bamaama bakali kuyanda kubona mwana wabo. Elyo—elyo waa kali buyo mwana lwakwe. Elyo cindi niba kajula

mpulungwido niini, kutandila buyo ku bucedo, kutandila faivi okuloko. Elyo i . . . Kwakali kayuni robini kakaindi kakali kkede kumbali lya citeo ciniini. Mbuli mbo mwakabona nyoonse cifwanikiso ca ncico mu—mu bbuku lyangu lya kaano ka buumi bwangu. I kayuni robini kakaindi kakali kkede awo kakaimba buyo akoonse kwakali muli nkako.

⁴⁵ Nda botelwa tuyuni tu robini lyoonse. Lino, nywebo no balombe mu zyooko zibelesya maredio, muta nodubuli tuyuni twangu. Nywebo mwabona, tu la—tu la—tula . . . Twalo ntuyuni twangu. Sena mwakasola kumvwa kaano kabuyo kaka robini, nzila mbo kakaba a kaango kako kasubila? Njo ima awa kwakaindi kaniini. Nzila mbo kakaba a kaango kasubila . . . Kwakali Mwaami wa bami wakali kufwa buzuba bumwi aa Ciingano, elyo Wa kali kupenga nkabela taakwe umwi waka boola kuli Nguwe. Wa kanyina umwi waku Mu gwasya. Elyo kwakali kayuni kamwi kasalaluka kakali kuyanda kugusya mpikili ku Ciingano, elyo kakazumanana kuulukila aa Ciingano a kunyukanyuka mpikili ezyo. Ka kaceya loko kuzisomona, elyo kakaba akusubila kaango kako koonse ku bulowa. Elyo kuzwa ciindi eco mpawo kaango kako kala subila. Muta kadubuli, balombe. Amu kaleke kalikke.

⁴⁶ Bakali kkede ku lubazu lwa mpulungwido, katucwemacwema mbuli tuyuni tu robini ka twiimba. Elyo—elyo Bataata bakatontela muni mpulungwido. Elyo cindi nobaka tontela muni mpulungwido niini, oyo Mumuni ngo mubona mu cifwanikiso wakasika kauzunguluka kunjila mu mpulungwido, mbo baamba bamaama, elyo akulengelela atala lya bulo. Banene tiiba kazi eco ca kwaamba.

⁴⁷ Lino, tuli . . . tii twakali mukwasyi uukomba. Bantu bangu bakali bana Katolika. Ndili muna Irish ku mabazu oonse. Bataata mbana Irish benibeni, Branham. Bamaama mba Harvey; buyo, bawisi baikwata muna India Cherokee, aboobo caka mwaya mukondo muniini wa bulowa bwa Irish. Elyo Bataata a Baama tiiba kali kuunka ku cikombelo, nkabela baka kwatana kunze lya cikombelo alimwi bakanyina bukombi nobuceya. Elyo kaindi liya mu malundu taakwe nokwakali mbunganya ya Katolika. Aboobo bakalongela muli basikukkala bataanzi mubutuba, ba Branham bobile bakalonga, elyo kuzwa awo kwakasyuuka nzyalani yoonse yabana Branham; mukondo wamukowa wa mukwasyi.

⁴⁸ Elyo mpawo baka jula . . . Cindi niba kajula mpulungwido eyi mpawo Mumuni oyu wakaima muya, teeba kazi cakucita. Bataata baka muulilide (Bamaama bakaamba) ovolosi lipya lya lucitiko olu. Baka liimvwi a i . . . maboko akwe mu cikobela citakwe maboko ca ovolosi lyakaindi, mbuli basimapulanga a basambazi bamapulanga ngobakali kubelesya mu mazuba ayo. Elyo waka bayoosya.

49 Ee, ni Nda kamana kukomena ndiza kwa mazuba ali kkumi, na cintucimwi, baka nditola kutala ku mbungano niini ya Baptisti iitegwa “Bwami bwa Opossumu,” mbungano ya Baptisti ya Bwami bwa Opossumu. Eelyo ndi zina likubwene. Kwakali mukambausi mudaala sikulingula koonse, mukambausi wa Baptisti wacyianza cakaindi wakasika kwiinda awo kutandila lomwe lyoonse mu myeezi yobile. Aa . . . I bantu bakali kunga baba akuswaangana antoomwe, bakali kunga baunka kuyoimba nyimbo zimwi, pele baka jisi kukambauka kanjikanji loko aali sikweenda uulingula koonse. Bakali kumubbadela mwaka amwaka ku saka lya zipusi a zintu zisyoonto mbuli ezyo, nywebo mulizi, cakuti bantu bakali kunga babuka kucipa. Elyo mukambausi wakaindi wakaleya mpawo, alimwi awo wakandipeda mupailo mbuli mulombe muniini. Olo lwakali lweendo lwangu lutaanzi ku cikombelo.

50 Ku mwaka kutandila . . . cintucimwi ciniini ku myaka yobile yakukomena, cilengaano citaanzi cakacitika.

51 Ee, bakaambilizya koonse mu malundu kuti kwakali Mumuni oyo wakanjila. Aboobo bakasola kuumvwisya. Bamwi babo bakati kweelede kuti wakali mumuni wazuba kaubala aa ciboniboni mu ng’anda. Pele kwakanyina ciboniboni muya. Elyo zuba tiilya kalinazwa, aboobo kwaacili kulubundubundu, aa faivi okuloko. Elyo mpawo, oh, ba Ka wiindilila buyo. Elyo cindi ni Nda katandila . . . kuyeeyelwa kuba muni ku myaka yotatwe yakukomena . . .

52 Lino, Nde elede kusyomeka. Kuli zintu awa Nze ntabotelwi kwaamba, elyo Ndi lombozwa kuti ni Nda zyeenguluka a kuta zyaamba. Pele nekuba, ku kwaamba kasimpe, weelede kwaamba kasimpe ikuti na cili aali nduwe lwako na bantu bako. Kosyomeka kujatikizya ncico, elyo mpawo lyoonse cili mbubonya.

53 Bataata bakali kule loko kuba muntu mukombi. Bakali balombe ba malundu basibube bwandeene bakali kunywa cakuzumanana, ciindi coonse. Elyo baka njila mupenzi limwi mu kulwana, elyo kwakali baalumi bobile na botatwe bakati jaijwe nibakali kulwana, kudubula, a kutendana zipoko, ku musyobo umwi wa cipobwe kutala mu malundu. Elyo Bataata bakali bamwi bakali kumbele lya kulwana oku, nkaambo kwa kali mweenzinyina wakali cisa, alimwi wakauma muntu umwi a cuuno. Elyo wakajisi . . . I mwaalumi waka jisi cipoko cisomwedwe alimwi wakali kuunka kuyo tenda mweenzinyina wa Bataata aa cibuye a cipoko eci, kwiinda ku moyo wakwe, elyo Bataata bakabweza cibeela cakwe. Elyo kuleelede ncobeni kuti kwakali kulwana kubyaabi, nkambo baka, kuzwa ku nzila yoonse kuselemukila ku Burkesville, mamaile manji kutantamuka, ba katuma sikweendelezwa makani aalumuno kutobela Bataata, katantide mbizi.

54 Aboobo mwaalumi wakalilede muciiimo ca kufwa. Antela kuli bamwi bantu bakwe baswiilila ku maredio. Ndiyo ita zina lyakwe, Will Yarbrough lyakali zina lyakwe. Antela baka . . . Ndi yeeya kuti bamwi babo bali mu California, balombe bakwe. Pele wakali sikutilimuna akupenzya, mwaalumi mupati wanguzu, wakajaya mwana wakwe mulombe kubelesya mungwala wa luwaya. Aboobo wa—wa kali mwaalumi mubyaabi a wanguzu maningi. Elyo aboobo kwakali kulwana kupati kwa zipoko akati ka nguwe a Bataata. Elyo bataata bakati mujaye mwaalumi, aboobo wakacita kucija a kuzwa ku Kentucky a kusika kuzabuka mulonga kuyaku Indiana.

55 Elyo waka jisi munyina oyo wakali kupona, ku ciindi, mu Louisville, Kentucky, wakali mugwasyi sikulangalanga wa Wood Mosaic Saw Mills mu Kentucky, mu Louisville. Elyo aboobo Bataata baka boola kujana munyina mupati. Bataata bakali baniini kwiinda ku balombe, ba bana bali kkumi aciloba. Elyo aboobo bakasika kujana munyina mupati kwiinda, elyo kuciindi katako kutandila mwaka. Ta kakonzya kujoka, nkaambo mulao wakali kumuyandaula. Elyo mpawo cindi nitwa kamvwa a kuzwa kuli mbabo ku lugwalo, kasaina zina limbi, pele ba kaambilide Bamaama nzila mbo ciyooba cakuti bayoomvwa kuzwa kuli mbabo.

56 Elyo mpawo Nda yeeya buzuba bumwi kasensa (kaanda aka kaniini) kakalibuyo kunze aa ng'anda. Elyo—elyo kuciindi eco kumane . . . Kuli fuka . . . myeezi ili kkumi aumwi ya lwandaano akati ka ndime a mukwesu wangu unditobela, elyo wakacili kuyavula. Elyo Nda kajisi bbwe pati mu janza lyangu, elyo Nda kali kusola ku mutondezya nzila canguzu mbo Nda kali kukonzya kuwaala bbwe eli mu ntimba, oko kasensa nokakali kukunka kuzwa ku bulongo a kupanga bulongo bwantimba maningi. Elyo Nda kamvwa kayuni, elyo kakali kwiimba mujulu mu cisamu. Elyo Nda kalungumana ku cisamu eco nkabela kayuni kakauluka kuzwa, elyo, cindi nika kacita, Jwi lya kaambaula kuli ndime.

57 Lino, Ndi lizi kuteeti muyeeya kuti tii Nda kali kukonzya kuyeeya a kwiibaluka eco. Pele Mwami Leza Walo uli Mubetesi, nyika a majulu a zyoonse ziliko, ulizi kuti Nda amba kasimpe.

58 Ako kayuni, cindi ni kakauluka kuzwa, Jwi lyakasika kuzwa awo kayuni mukakabede mu cisamu, mbuli guwo lyajatwa mu citeo, elyo Lya kati, “Uyo kkala mumsi lya muunzi uutegwa New Albany.” Elyo Nda kakkala, kuzwaku ciindi ni Nda kali a myaka yotatwe yakukomena kusikila ciindi eci, mu mamaile aali otatwe aku New Albany, Indiana.

59 Nda kanjila a kwaambila bamaama makani andilyo. Ee, baka yeeya kuti Nda kali kulota buyo na cintucimwi.

60 Kumane twa kalongela ku Indiana nkabela Bataata bakaunka kuyobelekela muntu, Ba. Wathen, muntu muvubi.

Walo ngomwini wa Cilawo ca Wathen cakukondweda makoko. Elyo waka jisi zipanzi zipati; walo ngu silubono lwa mamiloni manji, a Louisville Colonels, a—a musobano wa bbesibbo, a zimwi zimbi. Elyo mpawo twa kakkala muni muya. Elyo Bataata mukuba muntu mucete, nekubaboobo tiiba kali kukonzya kucita kakutakwe kunywa kwabo, aboobo ba—ba bakaunka kukukondola whisky mu i—mulu ziyakukondweda.

⁶¹ Elyo mpawo caka leta buyumuyumu nkaambo Nda kali mupati wiinda ku bana. Nda kacita kusika a kuteka maanzi ku cakukondweda eci, kubamba ntambo ezyo kutontola kuciindi nobakali kupanga whisky. Mpawo bakatalika kuusambala, elyo mpawo bakajana zikondwedo ezyo zoyobile na zyoatwe. Lino, eco nce cibeela Nce nta botelwi kwaamba, pele nca bwini.

⁶² Elyo Nda yeeya buzuba bumwi, kuzwa ku butala, nkeboola kutala lya ng'anda, nkelila. Nkaambo anze kusule lya busena kwakali ciziba, ci...oko nkobakali kukosaula zyaanda. Bunji bwanu mula yeeya cindi nibakali kukosaula zyaanda a kuzibikka mu tufwelenga twa mapulanga. Ee, eyo nje nzila Ba. Wathen njoba kali kuyobola zyaanda mubusena omo mu cisi. Elyo Bataata bakali i—i babelesi bakwe banamutekenya, babelesi banamutekenya bacigaminina. Elyo cindi i...ciziba eci cakazwide inswi alimwi cindi nibakali kuunka kuyo kosaula zyaanda a kuzileta mukati a kuzibikka mu tufwelenga twa mapulanga, mpawo cindi zyaanda nozya keenzemuka mu ciindi camainza mbuli mbo zyakaunka aansu, kwakali kubee kulasalala Mbwe yeeyela, kukozya maningi mbuli zyaanda zya mu lwizi, alimwi bakali kukonzya ku zibelesya, kutali kunywa, pele kubamba maanzi kuti katontola, kuzibikka kuzunguluka zigomo zyabo a mikupa yabo, a zimwi zimbi.

⁶³ Elyo buzuba bumwi nketeka maanzi kuzwa kunze ku ciguju eci, eco cakali kutantamukide kutandila mulongo wa maanda. Nda kali kulila cakukwiila kuli umwi wakatali kukonzya kuba aco, nkaambo Nda kazwa ku cikolo alimwi boonse balombe bakaunkide ku ciziba, kuyozela nswi. Nda kali kubotelwa kuzela nswi. Elyo aboobo boonse bakaunka kuyozela kunze lya ndime, elyo Nda cita kuteka maanzi aa cakukondweda eci. Mu bwini, ma, obo bwakeelede kuba busena busisidwe, kwakali kukasigwa kumulao. Elyo Nda...Bwa kali buyumuyumu loko. Elyo Nda yeeya nkeboola ambali awo a kanwe kakali gunkula, alimwi Nda kabikkide makweelele azambaidwe kungsi lya kanwe kangu kutantamuna lusoko. Sena mwakasola kucita obo? Kubikka buyo makweelele kungsi lya kanwe kako mbuli *boobu* a kuka zambaila katambo. Ka nanula buyo kanwe kako ncobeni kutandila mbuli mutwe wa fulwe, nywebo mulizi, kunantuka. Inga mwandi tobezya koonse Nko nduunka, a makweelele aya kungsi lya kanwe kangu; awo mpe Nda kakagunkula, nywebo mulizi. Tii nda kajisi mabbusu akusama. Aboobo kwiina notwa kasama mabbusu, zindizimwi ku cibeela ca mainza. Ikuti

na twa kacita, twa...akali buyo ayo nge twakali kukonzya kubwezela, muntuumwi ngakali kunga watupa. Elyo zisani kuli eco muntuumwi, nkamu ya kabunga kagwasya babulide kakali kunga katupa.

⁶⁴ Elyo Nda kaima muni lya cisamu eci, elyo Nda kali kkede awo nkelila cakukwiila (lyakali mu Itwi) nkaambo Nda kali kuyanda kuya kukuzela, Nda kacita kutekela zigomo zikubwene zya maanzi kubelesya tugomo tuniini tubikkilwaa molasesi, tutandila buyo kulampa kuli *boobu*, cisela ca kagaloni, nkaambo Nda kali buyo mulombe muniini kutandila myaka ili ciloba yakukomena. Elyo Nda kali kunga ndatutilila mu cigomo cipati elyo mpawo kujoka a kubweza tugomo tumbi tuniini a kujoka, ku ciguja. Ayo nge maanzi ngetwa kajisi. Elyo bakali kuya kukuungula mbali ya whisky oyo wamapopwe masiku ayo, baalumi aba a Bataata, kutala ku ng'anda.

⁶⁵ Elyo Nda kali kulila, elyo mpoonya buyo Nda kamvwa cintucimwi kacipanga coongo mbuli kambizi, cintucimwi mbuli obu (lino, Nda syoma tacili mvwisiyi kwiindilila), kaciya “Whooooosssh, whoooooosssh,” coongo buyo mbuli eco. Ee, kwakali bateme loko, elyo Nda kalanga koonse. Elyo mulizi na, kambizi kaniini, Nda syoma mutwiita kuti tumbizi tuniini? Mu ciindi cabutololo ica mwaka tula pepaula moonse mu myuunda yamaila, nywebo mulizi, matu a zimwi zimbi, muciiindi ca butololo oko, matu akatalikide buyo kucinca. Elyo Nda kali muni lya cisamu ca popla cituba cipati, kaima kutandila cisela calweendo aakati ka butala a i—i ng'anda. Elyo Nda kamvwa coongo eco. Elyo Nda kalanga koonse, kwakali bateme biyo mbuli mbo kubede mu kaanda aka. Kwakanyina itu lyakali kupekema kuli koonse, na cintu. Elyo Nda kayeeya, “Mpaali coongo eco mpo cizwida?” Ee, Nda kayeeya, “Kweelede kuti kuli tantamukide kuzwa awa.” Mulombe buyo. Elyo caka mvwikaloko aku mvwikaloko.

⁶⁶ Nda kabweza tugomo twangu tuniini a kulila cakukwiila ziindi zimbi zikubwene a kotalika kweenda mu mugwagwa, Nda kali kulyookezya. Elyo Nda kaswena buyo tukokola tusyoonto kuzwa kuli boobu, kuzwa muni lya mitabi ya cisamu eci cipati, elyo, oh, ma, cakapanga kumvika kwakambizi. Elyo Nda kacebuka kulanga, elyo kutandila cisela calweendo kutala lya cisamu eco kwakali kambizi kambi, kakabbubba mu cisamu eco ku zunguluka aku zunguluka, kuputausya matu ayo. Ee, Tii ndakayeeya kuti cakali ceenzu kujatikizya eco nkaambo cakali mu ciindi ca mwaka, aciindi ca butololo, baa, tumbizi oto tulasika. Niini...Tu twiita kuti “tumbizi.” Elyo tula—elyo tula bweza lusuko. Mwa katubona mu lukula mbuli boobu. Cintu ncoonya. Aboobo Nda kalangilila, pele tii kakaleka kucita pe. Kanjikanji kwakali kupasuka buyo kuniini kwa muwo kwaciindi ciniini, mpawo kalaunka, pele kakaliko kale muya kwa maminiti obile na kwiinda.

⁶⁷ Ee, Nda katalika kweenda kutanta mugwagwa alimwi. Elyo Nda kacebuka kulanga eci alimwi. Elyo cindi ni Ca kacita, Jwi lya muntu mukumvwika mbuli lyangu, kati, “Uta kanywi, kufweba, na kusofwaazya mubili wako munzila iili yoonse. Kuyooba mulimo wako wakucita cindi wakukomena maningi.” Baa, lya kabaanga lya ndiyoosya calufu! Nywebo inga mwayeeyela nzila mulombwana muniini mbwa kalimvwa. Nda kalosya tugomo oto, nkabela Nda kaunka ku ng’anda canguzu mbuli mbo Nda kakonzya, nkekwiila agolela jwi lyangu.

⁶⁸ Elyo kwakali bazoka babusaki bujaya mu cisi eco, inzoka, nkabela nzya busaki bubi loko. Bamaama baka yeeya, kuboola kutaamukila ku garadeni antela Nda kalyata muzoka wabusaki bujaya elyo ba kazuza kuzo ndiswaana. Elyo Nda kasotokela mu maboko abo, nkekwiila, nkeba bukata a kubanyonta. Elyo ba kati, “Ndipenzi nzi, sa walumwa nzoka?” Baka ndilanga koonse.

Nda kati, “Peepe, Bamaama! Kuli muntu mu cisamu icili kunselelo okuya.”

⁶⁹ Elyo ba kati, “Oh, Billy, Billy! Ko boola?” Elyo ba kati, “Sena wazooleka a kuunka kukoona?”

⁷⁰ Nda kati, “Peepe, baama! Kuli muntu mu cisamu ciya, elyo Wa ndaambila kuta nywa a kuta fweba.”

⁷¹ “Kunywa whisky a—a zintu.” Elyo Nda kali kutola maanzi kuli cakukondweda ica moonshine, nkoonya kuciindi eco. Elyo Wa kati, “Uta kanywi na kusofwaazya mubili wako munzila iili yoonse.” Obo mbwaamu, nywebo mulizi, elyo bwana bwangu. . . mukubusyi uulala banakazi. Elyo kukucita kwangu kwiinda, Nsena ba aciindi comwe cakuba akuzulwa kuli cili boobo. I Mwami waka ndigwasya ku zintu ezyo, alimwi mbuli Mbo ndeenda ambele muyo ziba. Aboobo mpawo, “Uta kanywi na uta kafwebi, na uta kasofwaazyi mubili wako, nkambo kuyooba mulimo wako wakucita cindi wakukomena maningi.”

⁷² Ee, Nda kaamba eco kuli Bamaama, elyo—elyo baka ndiseka buyo. Elyo Nda kanyongana buya maningi. Ba kaita dokotela, alimwi dokotela wakati, “Ee, wa libilika buyo, kwa mana.” Aboobo ba kandilazika aa bulo. Elyo taakwe ni Nda, kuzwa buzuba obo kusika obu, kusola kwiinda mumsi ku cisamu eco alimwi. Nda kali kuyoowa. Nda kali kunga ndiselemukila ku lubazu lumbi lwa garadeni, nkaambo Nda kali kuyeeya kuti kwakali muntu mujulu lya cisamu eco nkabela Wa kali kwaambaula kuli ndime, Jwi demu ipati eelyo lya kaambaula.

⁷³ Elyo mpawo ciindicimwi kutandila mweezi kwiinde eco, Nda kali kusobanya tumbulu kubusena a bakwesu baniini, kumbele lya busena lwalubuwa. Elyo mpoonya buyo Nda kaba kulimvwa kweenzu kwaka ndivumba. Elyo Nda kaima a kukkala ansi kumbali lya cisamu. Elyo twakali aatala eni lya nkomwe kuzwa ku Mulonga Ohio. Elyo Nda kalangaansi ku Jeffersonville, elyo Nda kabona cizabukilo kaciyakwa a kuzabuka awo, mulonga,

misemu yacizabukilo ca mulonga. Elyo Nda kabona baalumi bali kkumi acisambomwe (Nda kababala) abo bakaloka kuzwa awo a kusweekelwa maumi abo aa cizabukilo eco. Nda kazuzila mukati cakufwambaana loko a kwaambila bamaama, elyo ba kayeeya kuti Nda kaunkide kuyo ona. Pele baka ciyobola mu mizeezo, elyo myaka ili makumi obile ayobile kuzwa kuciindi eco Cizabukilo ca Dolopo pati lino (eco nobanji nco muzabuka cindi mwazabuka oko) kazabuka mulonga aa busena mboonya, elyo baalumi bali kkumi acisambomwe baka sweekelwa maumi abo kabayaka cizabukilo eco kulanduka mulonga.

⁷⁴ Taakwe noca kaalilwa kuba bwini kumanina. Mbuli mbo mu Ci bwene mu buyake bupati, Cakali boobo ziindi zyoonse.

⁷⁵ Lino, bakali kuyeeya kuti Nda kalibilika buyo. Kwalo, Ndime sikulibilika, obo mbwini. Elyo, ikuti na mwasola kubona, bantu abo ba—ba yeeme kuba basimuuya mba sikulibilika.

⁷⁶ Amulange kuli basikuyabila a basinsimi. Elyo amulange William Cowper wakalemba lwiimbo olo lwampuwo maningi, “Kuli kasensa kazwide Bulowa, kazwa ku nsinga zya Immanueli.” Sena mwakasola. . . Mu liizi nyimbo. Nda kaima muni lya cuumbwe cakwe kutali ciindi cilamfu cainda. Mukwesu Julius, Nda syoma, Nse zyi, pe. . . inzya, mbo mbubo, wakali a ndiswe okuya ku cuumbwe cakwe. Elyo—elyo kuya, nakamana kulemba lwiimbo olo, bunanike bwaka musiya, wa kasola kujana i—i mulonga wa kuti akalijaye. Mwabona, Muuya waka musiya. Elyo bantu mbuli basikuyabila a balembi a. . . na pe. . . Nda amba basinsimi.

⁷⁷ Amulange Eliya, cindi nakaima aa cilundu a kwiitila mulilo kuzwaku julu a kwiitila mvula kuzwaku julu. Mpawo cindi Muuya niwa kamusiya, waka cija ku lukanzo lwaku nyonganisigwa ku mwanakazi. Elyo Leza waka mujana akumu somona mu mpangala, kwiinde mazuba ali makumi one.

⁷⁸ Amulange Jona, a bunanike bweelede cindi Mwami naka munanika kukambauka kuya mu Niniva, mane i—i muunzi wa musela wa St. Louis wa keempwa mukusama zisani zyamasaka. Elyo mpawo cindi Muuya niwaka musiya, ncinzi caka mucitikila? Tu mujana atala lya cilundu Muuya niwa kamusiya, kakomba kuli Leza kuti amujaye. Elyo, nywebo mwabona, bwalo mbunanike. Elyo cindi zintu ezi zyacitika, zi—zi cita cintucimwi kuli nduwe.

⁷⁹ Mpawo Nda yeeya nkeboola kutala. Nda kaba mwaalumi mukubusyi. (Ndiyo binda kukamanizya moonya mu kaindi kaniini kaccilila.) Cindi ni Nda kaba mwaalumi mukubusyi Nda kajisi mizeezo mbuli baalumi boonse bakubusyi. Nda. . . kuya ku cikolo, Nda kali kunga ndajana basimbi baniini. Nywebo mulizi, Nda kali sibweeme maningi, nywebo mulizi. Elyo kumalekelo Nda—Nda kalijanina mulongwe musimbi muniini. Elyo mbuli balombe boonse baniini, kutandila myaka yakukomena iili

kkumi ayosanwe, Nda yeeyela. Elyo—elyo aboobo, oh, waa kali mubotu. Ma, waa kajisi meso mbuli nziba, alimwi waa kajisi meno mbuli ngale, a nsingo mbuli nkobonkobo, elyo waa—waa kali mubotu ncobeni.

⁸⁰ Elyo mulombe umbi muniini, wa . . . twa kali balongwenyina bamunsi, aboobo wa kabweza ciliisyo cilondo ca T iya Ford yakaindi iya bausi, elyo twakaba aciindi camisaalo yaluyando a basimbi besu. Elyo twakali kubatola kumasena, kweenda mu mootokala. Twa kajisi kunji kwa kuula magaloni obile aa mugwimba. Twa kacita kujeka vwili lya kusule kuti twi guje kulila. Nse zyi naa mulasola kuyeeya eco na pe, nywebo mulizi, kuti twi guje kulila. Pele twa—twa kali kuya buzwidilila kabotu loko.

⁸¹ Elyo aboobo Nda kajisi tuseenti tuce mu nkomo yangu, elyo twa kaima aa busena buniini a kuula . . . inga mwaula sandiwici ya nyama iya ngulube ku maseenti osanwe. Elyo aboobo, oh, Nda kali vubide, Nda kali kukonzya kuula one awo! Mwabona? Nitwaka mana kulya masandiwici a kunywa Kkokkakkola, Nda katalika kupilusya mabbodela. Elyo ku kugambwa kwangu, cindi ni Nda kazwa, (banakazi bakatalika buyo kuwa kuzwaku luzyalo ku ciindi eco, na kuzwa kuciimo cabwanakazi) nziba yangu niini yakali kufweba musanga watombwe.

⁸² Ee, Nda kajisi muzeezo wangu lyoonse wa mwanakazi uunga wafweba musanga watombwe, elyo Nsena ucinca komwe nokuceya kuzwa ku ciindi eco kuyabuya. Mbo mbubo. Ncintu cuubaukide kapatu mbwa konzya kuba. Elyo mbo mbubo ncobeni. Elyo Nda—Nda kayeeya Nda . . . Lino, kkampani ya misanga yatombwe inga yandi lwana kuli ceeci, pele, Ndi mwaambila, kuti ako nkooze ka dyabulosi kakwelelezya. Walo mujayi mupati maningi a sikunyonyoona acaali wa cisi eci nco cijisi. Inga ndasala mulombe wangu kuba mukolwi kwiinda kuba sikufweba misanga yatombwe. Obo mbwini. Inga ndasala kubona mukaintu wangu kalede aa cibuye, kakoledwe, kwiinda kumu bona kajisi musanga watombwe. Eyo njezila . . .

⁸³ Lino, oyu Muuya wa Leza uli a ndime, ikuti na Oyo Muuya wa Leza (mbuli mbo munga mwabuzya), yebo kufweba misanga yatombwe ujisi kukonzeka kuniini cindi wasika kuya, nkaambo kuti buyo . . . ziindi zyoonse. Mula cibona aa cibumbili, nzila Mbwa utapatila. Cintu cibyaabi kapatu. Amu citantamuke. Nobalindu, ikuti na mujisi kuzulwa kuli ceeco, kaka, mu Zina lya Kristo, amu citantamuke! Cila munyonyoona. Ciyo mujaya. Ciyu . . . Ndi—ndi kkulenge ku mikuli.

⁸⁴ I madokotela balasola ku mucenjezya. Elyo mpawo nzila mbo bakonzya kumu sambalila zintu ezyo! Ikuti na waunka ku cintoole ca misamu a kwaamba, “Kuula . . . Ndi yanda kuula kkulenge likkwana maseenti ali makumi osanwe.” Baa, inga ba baanga. Pele cindi waula misanga yatombwe ikkwana maseenti

aali makumi osanwe, uli mukuula cintu nciconya. Bamadokotela mbo baamba obo. Oh, eci cisi cakasondoka nkambo kamali. Ncibyaabi kapati. Calo ncijayi. Caka tondezegwa.

⁸⁵ Ee, cindi ni Nda kabona musimbi oyo muniini mubotu kalilemeka buyo mukuboneka kubotu loko, oyu musanga watombwe mu janza lyakwe, eco caati ndijaye, nkaambo Nda kali kuyeeya ncobeni kuti Nda kamuyanda. Elyo Nda kayeeya, “Ee . . .”

⁸⁶ Lino, Ndi itwa kuti “sikusulaika banakazi,” nywebo mulizi obo, nkaambo lyoonse Ndibe ndilwana banakazi, pele nselwani ndinywe no Bacizi pe. Ndi lwana buyo nzila banakazi basunu mbo balilemeka. Mbo mbubo. Banakazi babotu beelede kusumpulwa amwi.

⁸⁷ Pele inga Nda yeeya cindi cakukondweda ca bataata nocakali kubeleka kuya, Nda kacita kuba kubusena kuya a maanzi a zintu, kubona balindu bakubusyi batakali kwiinda ku myaka yakukomena ili kkumi aciloba, kkumi alusele, kutala kuya a baalumi bakakomena mbuli ndime eno, kabakoledwe. Elyo bakali kucita kuba batamika a kubapa koffi usiya, kusika ku ng’anda kuyo jikila balumi babo izisusulo. Oh, cintucimwi mbuli ceeco, Nda kati, “Nda . . .” Oku kwakali kwaamba kwangu kaindi, “Taba konzyi kweelelwa ku musyonga mubotu usalala waku bajazyang’anguwo.” Mbo mbubo. Elyo Nda sulaika banakazi. Mbo mbubo. Elyo Nde elede kulangilila bweende boonse lino, kutantamuka ku kuciyeeya cintu ncoonya.

⁸⁸ Aboobo, pele lino, mwanakazi ncintu ciyandisi kucibeela cilemekwa ca mwaalumi. We elede kulemekwa. Waa . . . Bamaama balo mbanakazi, mukaintu wangu mbwabede, alimwi balo mbabotu. Elyo Ndi jisi zyuulu zya bacizi Banakristo abo Mbe lemeka kapati. Pele ikuti—ikuti na bakonzya kupa bulemu obo Leza mbwa kababamba, butumbu a namalelo wini, cili kabotu. Walo ncintu cimwi ca zintu ziinda kubota eco Leza ncaKonzya kupa mwaalumi, wakali mukaintu. Kunze lya lufutuko, mukaintu ncintu ciinda ikuti na walo mukaintu mubotu. Pele ikuti tali boobo, Solomoni wakati, “I mwanakazi mubotu ncintu ciyandisiy’i kucibeela cilemekwa ku mwaalumi, pele i—umwi silunyemo loko na umwi uutali mubotu maanzi mu bulowa bwakwe.” Elyo mbo mbubo, ncintu cuubaukide loko cikonzya kucitika. Aboobo mwanakazi mubotu . . . Ikuti na ujisi mukaintu mubotu, mukwesu, weelede ku mulemeka aciimo caatala loko. Mbo mbubo, weelede kucita obo. I mwanakazi wini! Elyo, no bana, ikuti na mujisi mutumbu wini uukkala ku ng’anda a kusola ku mubamba, kusanzya zisani zyanu, umutola ku cikolo, ku muyiisya makani aa Jesu, mweelede kupa lulemeko ku mutumbu oyo mucembele a koonse kuli muli ndinywe. Yebo weelede kulemeka mwanakazi oyo, iyyi, munene, nkaambo walo mutumbu wini.

⁸⁹ Bala bandika makani akubula luzibo kwamu malundu aku Kentucky. Mula kubona muli eci awa mu zintu zya mutende. Bamwi babo bamamama bacembele kumasena kuya inga baboola kokuno ku Hollywood a kuyiisya bamatumbu basunu mbo kukomezegwa bana banu. Amulekele mwana wakwe aboole ku busiku bomwe kajisi masusu akwe kapalangene koonse, a milomo. . . kulibyalaula, (mu ciita kuti nzi eco?) zintu zya kulipenta nzo bananika ku masyu abo, a dressi lyakwe kali suumene koonse ku lubazu lomwe, nkabela takaliko bumwi busiku boonse, ka koledwe, mukwesu, inga watyola umwi mutabi aatala lya cisamu ca mukкуси elyo inga tacikainki limbi kubusena. Nda mwaambila, inga waa. . . Elyo ikuti nomwakali jisi kunji aniini kuli boobo, inga mwaba a Hollywood mbotu koonse kuno, a cisi cibotu loko. Mbo mbubo. Cili bwini. “Kusola buyo kuba wasyasunu,” kuti—ako nkamwi ka tooze twa dyabulosi.

⁹⁰ Lino, oyu musimbi muniini, cindi ni Nda kamulanga, moyo wangu wakapengaana buya. Elyo Nda kayeeya, “Muntu muniini mucete.”

Elyo waa kati, “Oh, uyanda musanga watombwe, Billy?”

Nda kati, “Peepe, baama.” Nda kati, “Nse fwebi pe.”

⁹¹ Waa kati, “Lino, waamba kuti tozyani.” Ba kali kuyanda kuunka ku cizyano nkabela tee Nda kakonzya kucicita. Aboobo ba kati kwakali cizyano kunselelo kuya, oko nkobaita kuti Sycamore Gardens.

Elyo Nda kati, “Peepe, Nse zyani pe.”

⁹² Waa kati, “Lino, to zyani, to fwebi, to nywi. Mbobuti mbo libotezya mu misaalo?”

⁹³ Nda kati, “Ee, Ndi botelwa kuzela nswi alimwi Ndi botelwa kuvwima.” Ezyo tee zyaka mubotelezya.

Aboobo waa kati, “Ko bweza musanga oyu watombwe.”

Elyo Nda kati, “Peepe, baama, nda lumba. Nse fwebi pe.”

⁹⁴ Elyo Nda kaliimvwi aa cikwabilizyo camootokala. Ba kabikkide zibbordi zyakulyatila mumbali lya ma Fordi akaindi, mula yeeya, alimwi Nda kaliimvwi aa cikwabilizyo eco, katu kkede mu cuuno ca kusule, walo a Ndime. Elyo waa kati, “Yebo waamba kuti to kafweba musanga watombwe?” Kati, “Elyo swebo to basimbi tujisi camba loko kwiinda mbo jisi.”

Nda kati, “Peepe, baama, Nse syomi kuti Ndi yanda kucicita.”

⁹⁵ Waa kati, “Baa, yebo sibwanakazi mupati!” Oh, ma! Nda kali kuyanda kuba Bill nkalakata cakusinizya, aboobo Nse—Nse yandi cintu cakuba sibwanakazi. Mwabona, Ndi yanda kuba simisobano ya kulwa mukujana zilumbo, oyo wakali

muzeero wangu wa buumi. Aboobo Nda kati . . . “Sibwanakazi! Sibwanakazi!”

⁹⁶ Nsi ndakakonzya kwiimina eco, aboobo Nda kati, “Koupa kuli ndime!” Janza lyangu kalitendebete, Nda kati, “Ndiyo mutondezya naa Ndili sibwanakazi na pe.” Kabweza musanga oyo watombwe a kutalika kugwala mancisi. Lino, Ndi lizi muli . . . Lino, Nse kwe kaambo kakuvwilila ceeco ncomuyeeya, Ndili buyo a mulimo wa kwaamba bwini. Cindi ni Nda katalika kugwala musanga oyo watombwe, mbubonya buyo mbo ndakakanzide kuufweba mbuli mbo Ndi yanda kubweza Bbaibbele eli, mwabona, Nda kamvwa cintucimwi kaciyabuya, “Whooooosssh!” Nda kasoleka alimwi, tee Nda kakonzya kuusisya ku mulomo wangu. Elyo Nda kalila, Nda kausowela aansu. Ba katalika kundiseka. Elyo Nda keenda kuyaku muunzi, kaina kutala kwiinda ku muunda, kakkala ansi mubusena buya, nkelila. Elyo—elyo bwakali buumi bubu loko.

⁹⁷ Ndayeeya buzuba bumwi Bataata bakali kuya buselemukila ku mulonga a balombe. Mukwesu wangu a Ndime, twa kacita kubweza bwaato a kuya butanta akuselemukila aa mulonga, kuyandaula mabbodela akubikkila whisky. Twa kajisi maseenti osanwe aa kuulila manji awo, kwaabwezelela aa mulonga. Elyo Bataata bakali a ndime, elyo baka jisi limwi lya ayo apapalete maniini . . . Nda syoma akali kutandila ku mabbodela aakkwana cisela ca galoni. Elyo kwakali cisamu cakausigwa ku muwo, elyo Bataata . . . Elyo mwaalumi oyu bakali anguwe, Ba. Dornbush. Nda kajisi bwakwe . . . Wa kajisi bwaato bubotu, elyo Nda kali kuyanda kujana luzyalu kuli nguwe nkaambo Nda kali kuyanda kubelesya bwaato obo. Bwa kajisi cakukwasuzya cibotu elyo bwangu tii bwakajisi cakukwasuzya pe. Twa kajisi buyo zipulanga zyakaindi zyaku kwasuzya. Elyo ikuti naka Ndi lekela kubelesya bwaato obo . . . Aboobo, wakali kuumpilila alimwi wakapanga zyakukondweda zya Bataata. Aboobo wa . . . Ba kasompokezya mauulu abo ku cisamu eco, elyo Bataata bakoobokela mu nkomo yabo yakusule a kusomona bbodela liniini lipapalete ilya whisky, waka mutambika nkabela wa kasuumwina cakunywa, kali josya kuli Bataata nkabela ba kasuumwina cakunywa, elyo bakalibikka aa mutabi muniini ku lubazu lwa cisamu oyu waka yutuka. Elyo Ba. Dornbush baka libweza, kati, “Ndeelyo kai, Billy.”

Nda kati, “Ndaku lumba, Nse nywi pe.”

⁹⁸ Wa kati, “Muna Branham, nkabela to nywi pe?” Boonse bakafwa kaba samide magwamazulu, kutandila kukozyanya. Elyo wa kati, “Muna Branham, nkabela to nywi pe?”

Nda kati, “Peepe, munene.”

“Peepe,” Bataata ba kati, “Nda kakomezya sibwanakazi umwi.”

⁹⁹ Bataata kaba ndiita kuti sibwanakazi! Nda kati, “Kondi tambika bbodela eelyo!” Elyo Nda kasomona kasinsyo atala lya ndilyo, nke kanzide kuunywa, elyo cindi ni Nda katalika kulinyamuna, “Whoooooosssh!” Nda kajosya bbodela akutalika kweenda kuselemukila mu muunda ca nguzu mbuli mbo Nda kali kukonzya, nkelila. Cintucimwi caka ndikasya kucicita. Mwabona? Tee ndaakonzya kwaamba kuti Nda kali mubotu kuli koonse (Nda kalikanzide kucicita), pele ngu Leza, luzyalo, luzyalo lugambya lwaka ndikasya kucita zintu ezyo. Nda kali kuyanda kuzicita, lwangu, pele Ta kakonzya buya kundilekela kucicita.

¹⁰⁰ Nikwakainda ciindi Nda kajana musimbi cindi ni Nda kali kutandila myaka iili makumi obile ayobile yakukomena, waa kali muyandwa. Waa kali musimbi wakali kuunka ku cikombelo, German Lutherani. Zina lyakwe wakali Brumbach, B-r-u-m-b-a-c-h, lizwa ku zina lya Brumbaugh. Elyo wakali musimbi mubotu. Taakali kufweba na kunywa, na—na takali kuzyana na kufumbwa cintu, musimbi mubotu. Nda kalikwaya a nguwe kwaciindi cisyonto, elyo Nda kali kunga. . . Mpawo, kutandila makumi obile aibili, Nda kapanga mali akubwene mane Nda kalyuulila Ford ya kaindi, elyo Nda. . . twa kali kunga tulaunka kukulikwaya kwaluyando antoomwe. Elyo aboobo, kuciindi eco, kwakanyina cikombelo ca Luthreni mumsi, bakali longede kuzwa ku Howard Park kutala kuya.

¹⁰¹ Elyo aboobo kwakali. . . mukambausi, umwi waka ndinanika mu mbungano ya Missionari Baptisti, Mwiiyi Roy Davis. Mucizi Upshaw, umwi nguonya wakatuma Mukwesu Upshaw kusika kuli ndime, na kaambaula kuli nguwe kujatikizya ndime, Mwiiyi Roy Davis. Elyo aboobo wakali kukambauka, nkabela wa kajisi mbungano Ntaanzi ya Baptisti, na i—i. . . Nse syomi kuti yakali mbungano ya Baptisti Ntaanzi, akwalo, yakali Mission—. . . tegwa mbungano ya Missionari Baptisti ku Jeffersonville. Elyo wakali ku kambauka ku ciindi eco, alimwi twakali kunga tula unka ku mbungano masiku, aboobo. . . elyo twakali kunga twapiluka. Elyo taakwe Ne kaba cizo ca mbungano, pele Nda kali kubotelwa buyo kuunka a nguwe. Nkaambo muzeezo mupati wakali “wakweenda a nguwe,” Nde elede buyo akwalo kusyomeka.

¹⁰² Aboobo mpawo kweenda awe, elyo buzuba bumwi Nda. . . Waa kali kuzwa ku mukwasyi mubotu. Elyo Nda katalika kuyeeya, “Nywebo mulizi, nywebo mulizi, Nse elede kusobanya ciindi ca musimbi oyo. Ta cili—ta cili cibotu, nkaambo waa kali musimbi mubotu, elyo Ndili mucete alimwi—alimwi Ndi. . .” Bataata bakali yabeede mu nseba yabuumi, elyo Ndi—Ndi. . . Kwakanyina nzila kuli ndime yaku mujanina zyakuponena musimbi mbuli oyo, oyo waka zibide mu ng’anda mbotu a makkapeti masyonto aa cibuye.

103 Nda yeeya kakkapeti Nke kasola kubona, tii Nda kakazi mbo kakabede. Nda kali kweenda mumbali. Nda kali kuyeeya kuti kakali cintu cibotu kwiinda eco Nce kabona mu buumi bwangu. “Mbobuti mbo banga babikka cintucimwi mbuli eco aa cibuye?” Kakali kkapeti kataanzi Nke kasola kubona. Ka kali—ka kali kamwi ka zeezyo. . . Nda syoma aitwa kuti “makkapeti akuyalaansi.” Inga nda cilubizya eco. Musyobo umwi mbuli “kulukwa” na cintucimwi ca kasumwa antoomwe, nkabela cili yalidwe aa cibuye. Mabotu loko a subila a grini, a citeo cipati ca maluba cakabambwa aakati ka njiyo, nywebo mulizi. Kaali cintu cibotu loko.

104 Elyo aboobo Nda yeeya Nda—Nda kabamba muzeezo wangu kuti Nda keelede ku mulomba kukwatwa kuli ndime, na Nde elede kususoloka a kulekela mwaalumi umwi mubotu kuti amukwate, muntuumwi uunga uyo mweelela, kukonzya ku mujanina zyakuponena akuba sibuuuya kuli nguwe. Ni ndaakonzya kuba sibuuuya kuli nguwe, pele Nda—Nda—Nda kali kupanga buyo maseenti ali makumi obile mu oora. Aboobo ni Nda takakonzya kubeleka kujana zyakuponena kwakwe zinji loko. Elyo Nda. . . A mukwasyi oonse ngo twa kajisi wa kulanga, elyo Bataata kaba yabeede mu nseba yabuumi, elyo Nda kacita kubabamba boonse babo, aboobo Nda kajisi cindi ciyumu maningi.

105 Aboobo Nda kayeeya, “Ee, cintu buyo kuli ndime cakucita nku mwaambila kuti Ndi—Ndi. . . waa. . . Nse—Nse kaleki buya, nkaambo Nda kali kuyeeya kunji loko kwa nguwe kunyonganya buumi bwakwe a kumu lekela kucengwa kuli ndime.” Elyo mpawo Nda kayeeya, “Ikuti na muntuumwi wakonzya ku mujata a kumu kwata, kupanga ng’anda mbotu. Elyo ndiza na tii Nda konzya kumukwata, ni Nda—ni Nda kakonzya kuziba kuti waa kali kkomene.”

106 Elyo aboobo Nda kayeeya, “Pele Nse—Nse buyo—Nse konzyi kumuleka buyo pe!” Elyo Nda—Nda kali mu ciimo cibbi. Elyo buzuba a buzuba Nda kali kunga ndaciyeeya. Aboobo Nda kali sibweeme maningi kumulomba kuti akwatwe kuli ndime. Masiku amasiku Nda kali kunga ndabamba muzeezo wangu, “Ndiyo mulomba.” Elyo, cindi ni Nda, uh, ncinzi eco, bapopolekwa, na cintucimwi nco munjizya mwanu. . . ? Nyoonse no bakwesu kumasena anze antela mwa kajisi luzibo ndulonya mbuli obo. Elyo kulimvwa kweenzu ncobeni, busyu bwangu bwakali kunga bwapya. Nsi—Nsi ndakazi. Nsi ndaakonzya kumulomba.

107 Aboobo Ndi yeeyela kuti mulagambwa Mbwe kasola kukwata. Nywebo mulizi cintu? Nda kamu lembela lugwalo a ku mulomba. Elyo aboobo walo. . . Lino, tii kwakali “uyandwa Muka,” lwakali kwiinda aniini (nywebo mulizi) ku lubazu lwa luyando kwiinda boobo. Tii cakali buyo i—cizuminano, ca kali. . . Nda—Nda kalulemba, cabubotu Mbwe kakonzya.

¹⁰⁸ Elyo Nda kali kuyoowa aniini kuli banyina. Banyina bakali . . . bakali kube mbakali. Elyo, pele bausi bakali bana Dutch badaala babuuya, balombwana buyo babotu badaala. Bakali basikubunganya nkamu zya bantu, nkamu yabantu yeenzya zitima, mu njanji, kabapanga madollar ali myaanda yosanwe mu mweezi mu ziindi ezyo. Elyo mebo nkepanga maseenti ali makumi obile mu oora, ku kwata mwana wakwe musimbi. Uh! Nda kalizi eco kuti tacikabeleki. Elyo banyina bakali loko . . . Lino, balo mbalindu babotu. Elyo ba—ba kali musyobo umwi wa nkumekume ezi zya bantu, nywebo mulizi, a mbuli balemekwa kapati, nywebo mulizi, elyo aboobo tii baka jisi mpindu loko kuli ndime kuli koonse. Nda kali buyo mulombe sisisi ubotelezya bwandeene uutakwaankwaya wakaindi, elyo bakali kuyeeya kuti Hope weelede kweenda a musyobo wa mulombe mubotu kapati aniini, elyo Ndi—Ndi—Ndi yeeya kuti bakali luzi. Elyo aboobo . . . Pele tii Nda—Nda kaciyeeya eelyo.

¹⁰⁹ Aboobo Nda kayeeya, “Ee, lino, Nse zyi nzila. Nse—Nse konzyi kulomba bausi, elyo Nse—Nseka balombi ncobeni banyina. Elyo aboobo Nde elede kumulomba kusaanguna.” Aboobo Nda kalilembela kagwalo. Elyo cifumo eco mu lweendo kuya ku ncito, Nda kalulosya mu bbokesi lya magwalo. I lugwalo . . . Twa kali kuya ku cikombelo masiku Bwatatu, elyo eco cakali cifumo ca Muvulo. Nda kasola buzuba boonse bwa Munsondo ku mwaambila kuti Nda kali kuyanda kukwata, nkabela tii Nda kali kukonzya buya kubusya cambia cikubwene.

¹¹⁰ Aboobo mpawo Nda kalulosya mu bbokesi lya magwalo. Elyo aa ncito buzuba obo Nda kayeeya, “Ino kuti banyina baka jata lugwalo olo?” Oh, ma! Mpawo Nda kaziba kuti Nda nyonganisigwa ikuti—ikuti na ba kasola kulujata, nkaambo tee bakali kubikkila maningi maanu kuli ndime. Ee, Nda kali ku cipengela kwa ciindi cilamfu.

¹¹¹ Elyo masiku ayo Bwatatu cindi Ne kasika, oh, ma, Nda kayeeya, “Mbobuti Mbweya kuunka kutala kuya? Ikuti na banyina baka jata kagwalo ako bayo nduuma ncobeni, aboobo Ndi yeeya kuti waa kalubweza.” Nda kalulembela “Hope.” Eelyo lyakali zina lyakwe, Hope. Elyo aboobo Nda kati, “Ndiyo lulembela buyo awa kuli Hope.” Elyo aboobo . . . Elyo Nda kayeeya ndiza ta kalu jata.

¹¹² Aboobo Nda kazi kabotu buyo kwiimina anze a kumu sibila mulosi kuti azwe. Oh, ma! Elyo mulombe uuli oonse uutajisi cambia cikubwene kweenda kuyaku ng’anda a kukonkomona aa mulyango a kulomba musimbi, ta jisi mulimo wakuba kubusena bumwi anguwe akwalo. Mbo mbubo ncobeni. Obo mbuyanga loko. Oko nkunyansya.

¹¹³ Elyo aboobo Nda kaimika Ford yangu yakaindi, nywebo mulizi, elyo Nda kaliipukutide kabotu loko koonse. Elyo aboobo Nda kaunka a kukonkomona aa mulyango. Yaa, banyina

bakasika ku mulyango! Tee ndaakonzya kuyoya kabotu pe, Nda kati, “Mwa—mwa—mwa pona buti, ba Muka. Brumbach?” Inzya.

114 Ba kati, “Wa pona, William.”

Nda kayeeya, “Uh-oh, ‘William’!”

Elyo—elyo ba kati, “Inga wanjila na?”

115 Nda kati, “Nda lumba.” Nda kanjila ku mulyango. Nda kati, “Sa Hope watandila buya kulibambila?”

116 Elyo mpoonya buyo mpaawo Hope wakasika kasotauka lutambo mu ng’anda, musimbi buyo utandila ku kkumi acisambomwe. Elyo waa kati, “Kwaamba, Billy!”

117 Elyo Nda kati, “Kwaamba, Hope.” Elyo Nda kati, “Sa watandila kulibambila kuyaku mbungano?”

Waa kati, “Mu kaindi buyo kaniini.”

118 Nda kayeeya, “Oh, ma! Ta kalu bweza. Ta kalu bweza. Ncibotu, ncibotu, ncibotu. Hope kwiina naka lubweza awalo, aboobo kunooli kabotu, nkaambo na kalwaamba kuli ndime.” Aboobo Nda kalimvwa kabotu maningi.

119 Elyo mpawo cindi ni Nda kaselemukila ku mbungano, Nda kayeeya, “Ino kuti waa kalubweza?” Mwabona? Elyo tii Nda kakonzya kumvwa eco Mwiiyi Davis ncakali kwaamba. Nda ka mulanga, elyo Nda kayeeya, “Ikuti antela ulu siside buyo, nkabela uyo ndibwekela ncobeni cindi Nda zwa awa, ku kumulomba eco.” Elyo tii Nda kakonzya kumvwa eco Mukwesu Davis ncakali kwaamba. Elyo—elyo Nda ka mulanga, elyo Nda kayeeya, “Ma, Nda bijilwa kumuleka, pele. . . Elyo Ndi—Ndi. . . kazekelo kasika ncobeni.”

120 Elyo ni twakazwa kukomba twa katalika kweenda kuselemuka kagwagwa antoomwe, kuya ku ng’anda, elyo—elyo aboobo twa keenda kuyaku Ford yakaindi. Elyo aboobo kuzwa kumatalikilo mweezi wakali kubalama kapati, nywebo mulizi, Nda kalanga nkabela waa kali mubotu loko. Mulombe, Nda kamulanga, elyo Nda kayeeya, “Ma, obo mbo Ndi yandisya kumukwata, pele Nke yeeyela kuti nsekonzyi.”

121 Elyo aboobo Nda kazumanana kweenda ambele aniini, nywebo mulizi, nkabela Nda kali kunga ndamu langalanga alimwi. Nda kati, “Ino—ino ulimvwa buti sunumasiku?”

Waa kati, “Oh, Ndili kabotu.”

122 Elyo twa kaimika Ford yakaindi kuselelo elyo twa katalika kuseluka, nywebo mulizi, kuzunguluka lubazu, kweenda kuzunguluka kkona a kuya ku ng’anda yakwe. Elyo Nda kali kuya bweenda ku mulyango a nguwe. Nda kayeeya, “Nywebo mulizi, antela kwiina nakatambula lugwalo, aboobo inga Nda luluba buyo akwalo. Ndiyo oba a mvwiki iimbi ya luzyalo nekuba.” Aboobo Nda katalika kulimvwa kabotu maningi.

Waa kati, “Billy?”

Nda kati, “Inzya.”

Waa kati, “Nda katambula lugwalo lwako.” Oh, ma!

Nda kati, “Wakacita na?”

123 Waa kati, “Uh-huh.” Ee, waa kazumanana buyo kweenda, taakwe na kaamba bbala limbi.

124 Nda kayeeya, “Mwanakazi, ko ndaambila cintucimwi. Ko nditanda naape ko ndaambila nco yeeya kumakani alo.” Elyo Nda kati, “Sena wa—wa kalubala?”

Waa kati, “Uh-huh.”

125 Ma, nywebo mulizi obo mwanakazi mbwakonzya kukubamba mukulibilika kutazizilwe. Oh, tii Nda—Nda kali kupandulula ncico munzila eyo buyo, nywebo mwabona. Mwabona? Pele, nekuba, nywebo mulizi, Nda—Nda kayeeya, “Nkaambonzi to ambi cintucimwi?” Mwabona, elyo Nda kazumanana kuyabuya. Nda kati, “Sena wakalubala loonse?”

Elyo waa . . . [Kabeela katakwecintu aa teepu—Mul.] “Uh-huh.”

126 Aboobo twa kali kutandila ku mulyango, elyo Nda kayeeya, “Mulombe, ta ndikkaziki mu kkota, nkaambo antela Nse kokonzya kubainda kuzuza, aboobo ko ndaambila eno.” Elyo Nda kazumanana kulindila.

127 Elyo waa kati, “Billy, Nda yanda kucita ceeco.” Waa kati, “Nda kuyanda.” Leza aleleke buntu bwakwe lino, uli mu Bulemu. Waa kati, “Nda kuyanda.” Kati, “Ndi yeeya kuti twelede kwaambila bazyali besu . . . bazyali kujatikizya ngawo. Sena to yeeyi boobo?”

128 Elyo Nda kati, “Oyandwa, koswiilila, atu talike eci ku nzila ya zipanzi zyeelene.” Nda kati, “Ndiyo ambila bauso ikuti uyo ambila banyoko.” Kwiindizya kumusiila cibeela cibbi, ku matalikilo.

Waa kati, “Ncibotu, na uyo baambila Bataata kusaanguna.”

Nda kati, “Ncibotu, Ndiyo baambila masiku Munsondo.”

129 Elyo aboobo busiku bwa Munsondo bwakasika, Nda kamuleta ku ng’anda kuzwa ku cikombelo alimwi Nda . . . Waa kazumanana kundilanga. Elyo Nda kalanga, nkabela yakali naini theeti, cakali cindi cangu kutalika kweenda. Aboobo ba Charlie bakali kkedede ku deski lyabo, kazumanana kutaipa alaale. Elyo ba Muka. Brumbach kaba kkedede mu kkona, kaba cita musyobo umwi wa kusumasuma cilembo, nywebo mulizi, na mibalo ya malasitiki miniini ngo mubikka atala a zintu, nywebo mulizi. Nse zyi mbo muciiita. Elyo aboobo bakali kucita musyobo umwi wa zintu. Elyo Hope waka zumanana ku ndilanga, elyo waa kali kunga wakandi fwinyina, nywebo mulizi, kuzibya bausi. Elyo Nda . . . Oh, ma! Nda kayeeya, “Ino kuti waamba

kuti, ‘Peepe?’” Aboobo Nda katalika kuya ku mulyango, Nda kati, “Ee, Ndi yeeyela kuti ncibotu Nda unka.”

¹³⁰ Elyo Nda keenda kuyaku mulyango, alimwi—alimwi waa katalika kweenda kuyaku mulyango a ndime. Lyoonse wakali kunga uboola ku mulyango a ku ndaambila “oone kabotu.” Aboobo Nda katalika kuyaku mulyango, nkabela waa kati, “Sa toko baambila?”

¹³¹ Elyo Nda kati, “Huh!” Nda kati, “Ndili masimpe kusola, pele Nse—Nse—Nse zyi nzila Mbe yoocicita.”

¹³² Elyo waa kati, “Ndiyo jokela buyo nkabela yebo uyo baitila anze.” Aboobo waa kajoka a kundi siya nkeimvwi awo.

Elyo Nda kati, “Charlie.”

Baka nyona a kuti, “Inzya, Bill?”

Nda kati, “Sa inga Nda ambaula kuli ndinywe kwakaindi kasyoonto?”

¹³³ Ba kati, “Masimpe.” Ba kanyona kuzwaku deski lyabo. Ba Muka. Brumbach baka balanga, baka langa Hope, a kulanga ndime.

Elyo Nda kati, “Sena inga tii mwaboola anze mu kkota?”

Elyo ba kati, “Iiyi, Nda boola anze.” Aboobo ba keenda kuzwa kuba mu kkota.

Nda kati, “Masimpe mbusiku bubotu loko, embo na?”

Elyo ba kati, “Iiyi, mbobubede.”

Nda kati, “Masimpe ku lapyo.”

“Nincobeni mbokubede,” ba kandilanga.

¹³⁴ Nda kati, “Lyoonse ndakali kubeleka canguzu loko,” Nda kati, “nywebo mulizi, alo maanza angu ali mukuba azisutila.”

Ba kati, “Inga wa mukwata, Bill.” Oh, ma! “Inga wa mukwata.”

¹³⁵ Nda kayeeya, “Oh, eco ncibotu loko.” Nda kati, “Nywebo mwaamba ncico ncobeni ba, Charlie?” Ba kati. . . Nda kati ba, “Charlie, amulange, Ndi lizi kuti mwana wanu musimbi, alimwi muli jisi mali.”

¹³⁶ Elyo ba katambika a kundijata ku janza lyangu. Ba kati, “Bill, koswiilila, mali tazili zintu zyoonse zili mu buumi bwa bantu.” Ba kati. . .

¹³⁷ Nda kati ba, “Charlie, Ndi—ndi panga buyo maseenti aali makumi obile mu oora, pele Nda muyanda alimwi ula ndiyanda. Elyo Nda musyomezya, ba Charlie, kuti Ndiyo beleka mane aya. . . zisutila zika kupuluke ku maanza angu, kumujanina zyakuponena. Ndiyo syomeka buyo kuli nguwe mbuli Mbwe konzya kuba.”

¹³⁸ Ba kati, “Nda syoma obo, Bill.” Ba kati, “Koswiilila, Bill, Ndi yanda ku kwaambila.” Kati, “Yebo ulizi, kukkomana, koonse takutoli mali kuba uukkomene.” Kati, “Koba buyo mubotu kuli nguwe. Elyo Ndi lizyi uyocita.”

Nda kati, “Ndamu lumba, ba Charlie. Masimpe ndiyo cita obo.”

¹³⁹ Mpawo cakali ciindi cakwe cakwaambila Bamaama. Nse zyi mbwa kazwidilila mubuyumuyumu, pele twa kakwatana.

¹⁴⁰ Aboobo, cindi ni twa kakwatana, taakwe no twa kajisi zintu, taakwe kuunka kuyobamba zyamu ng’anda. Ndi yeeya kuti twa kajisi madollar obile na otatwe. Aboobo twa kabbadelela ng’anda, yaka tutolela madollar one mu mweezi. Bwakali busena buniini, bwakaindi bwatwaanda tobile. Elyo muntuumwi wakatupa bulo bwakaindi bupetwa. Nda libuzya na kuli muntu wakasola kubona bulo bwakaindi bupetwa? Elyo baka tupa obo. Elyo Nda kaunka ku Sears a Roebucks a kuula tafule liniini a zyuuno zyone, nkabela tii—tii lyaka pentedwe, nywebo mulizi, nkabela twa kaula eelyo aa ciindi cakapanganwa. Elyo aboobo mpawo Nda kaunka kuya kuli Ba. Webber, musambazi wa zisowe, a kuula kastovu kakujikila. Nda kapa maseenti ali makumi aali ciloba aosanwe kuli njiyo, a dollar a cintucimwi ku masuwa kunjila muli njiyo. Twa kabamba zintu zya mu ng’anda. Nda yeeya kubweza a kupenta kateo aa zyuuno, cindi ni Nda kazipenta. Elyo, oh, twa kali kkomene, nekuba. Twa kali jisini, aboobo nkukoonse kwakali kuyandika. Elyo Leza, ku luse Lwakwe a bubotu Bwakwe, twa kali banabukwetene baniini baka kkomene maningi bakakonzya kuba aa nyika.

¹⁴¹ Nda kajana eci, kuti kukkomana taku kkuwilwi a kunji kwa zintu zya nyika nzo jisi, pele nzila mbo kkuwilide ku caabilo nco kapegwa.

¹⁴² Elyo, nikwaainda kaindi, Leza wakaseluka a kuleleka ng’anda yesu niini, twa kaba a mulombe muniini. Zina lyakwe wakali Billy Paul, uli mu muswaangano ndyoonya lino awa. Elyo kwiinde kaindi kaniini kuzwa eelyo, kutandila myeezi ili kkumi aumwi, Wa katuleleka alimwi a musimbi muniini uutegwa Sharon Rose, lyaka gusigwa kuzwaku bbala lya “IDuba lya Saroni.”

¹⁴³ Elyo Nda yeeya buzuba bumwi Nda kayobwede mali angu nkabela Nda kali kuya kuyooba aa ciindi cakulyookezya cisyoonto, kuunka kutala ku busena, Lwizi lwa Paw Paw, kuyozela nswi. Elyo mu lweendo lwangu mukupiluka . . .

¹⁴⁴ Elyo mu mwaakwe wa ciindi eci . . . Nda siya makani akusanduka kwangu. Nda kasanduka. Elyo ndakananikwa aa Mwiiyi Roy Davis, mu mbungano ya Missionari Baptisti, alimwi ndakaba mukambausi alimwi akuba a cikombelo eco Nce kambaukila mo mu Jeffersonville. Elyo Nda kali kweembela mbungano niini. Elyo Nda . . .

¹⁴⁵ Kakunyina mali, Nda keembela mbungano kwa myaka iili kkumi aciloba nkabela kwiina ne kagusya sheleni lyomwe. Tee ndakali kusyoma mu kubw- . . . Kwakanyina akwalo mutiba wa mulumbo muli njyio. Elyo kwakkumi Nkwe kajana kuzwa ku ncito, a zintu zimwi, kajisi kabbokesi kaniini kusule lya buyake, kati, citondezyo ciniini ali nkako, “Kuli nkomwa citila bamwi aba baniini Bangu, mwa citila Ndime.” Elyo mpawo nje nzila mbungano mbo yakali kubbadelelwa. Twa kajisi looni ya kubbadela mu myaka iili kkumi, kwalo twa kiibbadelela mu myaka iitasiki kuli yobile. Elyo taakwe Ne kabweza mulumbo wa musyobo uli oonse.

¹⁴⁶ Elyo mpawo Nda kajisi, oh, madollar masyoonto Nge kayobwede aa ciindi cangu cakulyookezya. Waa kali kubeleka, awalo, ku Fakitori lipanga Mashaati lya Fine. I musimbi mubotu uyandwa. Elyo cuumbwe cakwe antela cakazula caanda cinji sunu, pele ucili mu moyo wangu. Elyo Nda yeeya cindi nakali kubeleka canguzu loko kundi gwasya kuba aa mali manji akubelesya kuunka kutala ku lwizi olu kuyozela nswi.

¹⁴⁷ Elyo cindi ni Nda kali kupiluka kuzwaku lwizi, Nda katalika kubona, nkeboola mu Mishawaka a South Bend, Indiana, nkabela Nda katalika kubona myootokala yaka jisi zitondezyo kusule, kati, “Jesu Buyo.” Elyo Nda kayeeya, “Eco cimvwika bweenzu, ‘Jesu Buyo.’” Elyo Nda katalika kubona zitondezyo ezyo. Elyo zyakali koonse kuzwida ku macinga, ma Ford, ma Cadillac, a zimwi zimbi, “Jesu Buyo.” Elyo Nda katobela zimwi zyabo kunselelo, elyo baka boola ku mbungano mpati ncobeni. Elyo Nda kajana kuti bakali ba Pentekoste.

¹⁴⁸ Nda kali kunga ndamvwa zya Pentekoste, pele bakali nkamu ya “babumbulusi basalala abo kabali kulala aa zibuye a kuzwa covu ku milomo yabo,” a zintu zyoonse nzo baka ndaambila. Aboobo tee Nda kali kuyanda kucita cintu anjiyo.

¹⁴⁹ Aboobo Nda kabamvwa boonse kabalilemeka munzila imwi muya mukati, elyo Nda kayeeya, “Ndasyoma Nda njila buyo.” Aboobo Nda kaimika Ford yangu yakaindi a kweenda kunjila, a koonse kwiimba nko kasola kumvwa mu buumi bwako! Elyo Nda kasika kuziba kuti kwakali mabungano obile mapati, yomwe yayo yakali kutegwa P.A. ya J.C., a P.A. ya W., bunji bwano no bantu antela mula yeeya oto twakaindi tubu- . . . Ndi yeeya kuti ali kamantene, aitwa lino, a tegwa mbungano Ikamantene ya Pentekoste. Ee, Nda kaswiilila kuli bamwi bamaiyi babo. Elyo bakali kwiimvwi awo, oh, bakali kuyiisya makani aa Jesu a nzila Mbwa kali mulemu, a nzila zintuzyoonse mbo zyakali zipati, a makani aa “lubapatizyo lwa Muuya Uusalala.” Nda kayeeya, “Ino baambaula nzi?”

¹⁵⁰ Elyo, nikwaainda kaindi, muntuumwi wakasotoka mujulu a kutalika kwaambaula a myaambo. Ee, Nsena mvwide cintu mbuli ceeco mu buumi bwangu. Elyo mpaawa kwaka boola

mwanakazi umwi atala kainda muya kazuza buyo canguzu mbuli mbwa kali kukonzya. Mpawo boonse babo bakaima akutalika kuzuza. Elyo Nda kayeeya, “Ee, mukwesu, masimpe taba jisi ziyanza zyakulilemeka izya mbungano!” Kukwiila a koongolola a kulilemeka munzila imwi, Nda kayeeya, “Ino ni nkamu nzi eyi!” Pele, nywebo mulizi, cintucimwi kujatikizya njiyo, Mbwe kakkalisya awo, Nda kaibotelwa maningi. Kwakali cintucimwi cakali kuboneka kuba cibotu maningi. Elyo Nda katalika ku beebela. Elyo yakazumanana. Nda kayeeya, “Njo bakkazikila buyo moyo kwaciindi ciniini, nkaambo Njo . . . Ndili muni ku mulyango. Ikuti na cintu cili coonse catalika buyo ku pilingana, Njo zuza kuzwida ku mulyango. Ndi lizi mootokala wangu nko upaking’idwe, kuzetuka buyo ku kkona.”

¹⁵¹ Elyo Nda katalika kumvwa bamwi babo bakambausi, bakali yiide kapati a basicikolo. Baa, Nda kayeeya, “Okokuli kabotu.”

Aboobo cakasika ku ciindi ca cilalilo, elyo kati, “Nyoonse amuboole ku cilalilo.”

¹⁵² Pele Nda kayeeya, “Kolindila aniini. Ndi jisi dollar a maseenti aali makumi aliciloba aosanwe akubelesya kuya ku ng’anda, elyo Ndi . . .” Nkukoonse Nkwe kajisi mali aa mungwimba. Kabwezedede buyo ayo kuti andi tole ku ng’anda. Elyo Nda kajisi Ford yangu yakaindi, yakali Ford yakaindi mbotu kapati. Tii yakalina nyongana, yakali buyo mbuli eyi imwi anze awa, kazakala buyo. Elyo ya . . . Nda syoma mubwini kuti Ford inga yeenda mamaile ali makumi otatwe mu oora, pele mubwini musinzo wakali kkumi aosanwe munzila *eyi* a kkumi aosanwe munzila *eyi*. Nywebo mwabona, kwabikka antoomwe, muno jisi makumi otatwe. Elyo aboobo ya . . . Nda kayeeya, “Ee, busiku obo Nda yeeya kuti Ndiyo ounka kubusena alimwi kwamana i . . .” Nda kakkalila kuswaangana kwa masiku.

¹⁵³ Elyo, oh, wa kati, “Boonse bakambausi, kakutakwe kulanganya kabungwe, amuboole ku cibumbili.” Ee, kwakali bakali kutandila ku myaanda yobile ya ndiswe kutala kuya, Nda katanta. Elyo aboobo wa kati, “Lino, ta tujisi cindi ca ndinywe nyoonse ku kambauka.” Wa kati, “Koenda buyo ambali a kwaamba mbobede a nkozwa.”

¹⁵⁴ Ee, cakaboola ku ciindi cangu, Nda kati, “William Branham, Baptisti. Jeffersonville, Indiana.” Keenda ambali.

¹⁵⁵ Nda kali kumvwa boonse bamwi babo kaba liita kuti, “Pentekoste, Pentekoste, Pentekoste, P.A. ya W., P.A.J.C., P.A.W., P . . .”

¹⁵⁶ Nda keenda ambali. Nda kayeeya, “Ee, Ndi yeeyela kuti Ndili sitalenta ku bulangizi boonse.” Aboobo Nda kakkala acuuno, kalindila.

¹⁵⁷ Elyo, buzuba obo, baka jisi bakambausi, babotu bakubusyi kubusena oko, elyo baka kambauka canguzu. Elyo mpawo ba kati, “Umwi uyo leta mulumbe sunumasiku ngu . . .” Nda syoma

baka mwiita kuti, “Mwaalu.” Elyo bakautausi babo, mubusena bwa “Mufundisi,” wakali “Mwaalu.” Elyo bakaleta muntu usiya mudaala aabusena awo, elyo waka samide limwi lya mabbaki a bakambausi ayo abubambe bwakaindi. Nse yeeyeli kuti mwakasola kubona limwi. Lyamucila mulamfu wa nkwilimba kusule, nywebo mulizi, a kkola lijisi kulukwa kwa buntonje kumbali, alimwi wa kajisi buyo nkata ya masusu niini iituba koonse ku mutwe wakwe. Mulombwana mudaala mucete, wa kayutuka mbuli *boobu*, nywebo mulizi. Elyo wa kaima awo nkabela waka nyona. Elyo awo bakambausi boonse nkobakali kukambauka makani aa Jesu a bulemu...nzila Mbwa kali mulemu, a zimwi zimbi, oyo mudaala waka zubula cibalo cakwe kuzwa muli Jobu. “Nko kuli nkookabede cindi ni Nda kalazika ntalisyo ya inyika, na cindi ntanda zyabucedo nizya kaimba antoomwe nkabela bana ba Leza bakoongolola nkambo ka lutangalo?”

¹⁵⁸ Elyo mulombwana mudaala mucete, Nda kayeeya, “Nkaambonzi teeba bikka bamwi balombwana bakubusyi atala awo kukambauka?” Pati...busena bwakali zwide akusyaankana. Elyo Nda kayeeya, “Nkaambonzi tii bacita boobo?”

¹⁵⁹ Aboobo mpawo mulombwana oyu mudaala, mubusena bwa kukambauka eco cakali kucitika aansi awa aa nyika, wa katalika kukambauka eco cakali kucitika ku Julu ziindi zyoonse. Ee, waka Mu sumpula ku matalikilo—ku matalikilo aa ciindi, a ku Mu josya ku Kuboola Kwabili aansi kuciimo ceelene kuli fulicoongo wiingene. Baa, Nsena mwva kukambauka kuli boobu mu buumi bwangu! Kutandila ciindi eco Muuya wakamuuma, wa kasotoka mujulu kutandila bulamfu *obo* a kuumputya tusindi twakwe antoomwe, kawaala makuko akwe kusule a kweenda kanwabaila kuzwa aa cibumbili eco, kati, “Tamu jisi busena bukubwene atala awa bwakuti ndikambaukile.” Elyo wakali jisi busena bupati kwiinda Mbwe jisi awa.

¹⁶⁰ Nda kayeeya, “Ikuti na Oyo uyobamba mudaala kucita mbuli boobo, ino inga Wa cita nzi kuti Wa ndiwida?” Nda—Nda kayeeya, “Ndiza Ndi yandika Oyo umwi.” Baa, wa kazwa awo, Nda kamufwida nsoni loko mulombwana mudaala. Pele, cindi na kazwa, Nda kali kulifwida nsoni lwangu. Elyo Nda kamulanga kazwa awo.

¹⁶¹ Nda kazwa busiku obo, elyo Nda kayeeya, “Lino, cifumo citobela Nse kalekeli muntu kuziba nkwebede, na Ndimeni.” Aboobo Nda kainka, elyo busiku obo Nda kaccisa bulukwe bwangu. Nda kabweza i...kazwa kuya mu muunda wa mapopwe kuyolala, nkabela Nda kaselemuka a kulyuulila ndala yatunkwa tumwi tupetedwe. Nywebo...Nda kaula cikungo coonse ca ntuto ku maseenti osanwe. Kwakali paipi lya meenda kunselelo oko, Nda kateka maanzi. Aboobo Nda kalizi kuti inga anditolela kaindi kaniini, aboobo Nda kabweza maanzi

a kwaanywa, alimwi ndakaunka a kuyoolya tunkwa twangu tupetedwe. Elyo ndakajoka a kuteka maanzi ambi akunywa. Kaunka mu muunda wa mapopwe, kabweza zyuuno zyobile a kulazika bulukwe bwangu buniini bwamulembo walupetopeto lupapalete mukati muya, kaboolola aa cuuno.

¹⁶² Elyo, busiku obo, Nda kakomba maningi kutandila busiku boonse. Nda kati, “Mwami, ncinzi eci Nce njila? Nsena bwene bantu bakombi bali boobu mu buumi bwangu.” Elyo Nda kati, “Kondigwasya kuziba makani aceeci coonse.”

¹⁶³ Elyo cifumo cakatobela Nda kaselemukila kokuya. Katutamba ku kalimbabula. Mubwini, tii Nda kakonzya kusika a kulya ambabo, nkambo taakwe Nce kajisi cakubikka mu mulumbo. Elyo Nda kajoka buyo. Elyo cifumo cakatobela cindi ni Nda kanjila, baa (Nda kalya tunkwa twangu tupetedwe), a kukkala. Elyo bakasika ku maikkrofooni. Elyo tii Nda kalina bona maikkrofooni, nkabela Nda kali kuyoowa cintu eco. Aboobo ba . . . Elyo yaka jisi katambo kaniini kalengelela mujulu awa, alimwi kakalengelela aansii. Imwi yawo yakali maiki yakutola aansii, kuboneka. Elyo wa kati, “Masiku ainda, aa cibumbili, kwakali mukambausi muniini awa, muna Baptisti.”

Nda kayeeya, “Uh-oh, Ndi leelela kusaala lino.”

¹⁶⁴ Elyo wa kati, “Wa kali mukambausi muniini kwiinda aa cibumbili. Zina lyakwe wakali Branham. Sena kuli muntu uli oonse uuzi mpabede? Komwaambila kuti aboole, tula muyanda kuti alete mulumbe wa cifumo.”

¹⁶⁵ Oh, ma! Nda kasamide T-sheeti niini, a bulukwe bwamulembo walupetopeto lupapalete, nywebo mulizi. Elyo swebo tobana Baptisti tusyoma kuti wakeelede kusama nsuuti, kuba mu cikambaukilo, nywebo mulizi. Aboobo . . . Elyo Nda—Nda kakkala buyo zii. Elyo mu ciindi . . . Ba kaujisi kutala Kuniyika kaindi nkaambo (muswaangano mupati wabo watubungwe twandeene) bantu basiya tee bakakonzya kusika kuli nguwo ikuti na wakali ku Musanza. Baka jisi basiya oko, elyo Nda kali muna Musanza, kajisi musunsu uyuyuma mulembo mu kkola yangu akwalo, nywebo mwabona, kayeeya kuti Nda kali mubotu aniini kwiinda muntuumwi umbi. Elyo cakacitika kuba cifumo eco, moonya munsii lyangu ansiansii kwaka kkede i—i muntu uusiya. Aboobo Nda kakkala a kumulingula. Nda kayeeya, “Ee, walo mukwesuu.”

¹⁶⁶ Elyo wa kati, “Muntuunzi uuzi mpabede William Branham?” Nda kabutumana mu cuuno mbuli boobu. Aboobo wa kati, kocaambilizya ciindi cabili, kati, “Muntuunzi aanze” (wa kasomweda mukati maikki eyi niini) “uuzi mpabede William Branham? Komwaambila tula muyanda aa cibumbili ku mulumbe wa cifumo. Walo mukambausi wa Baptisti kuzwa kumusanza wa Indiana.”

167 Nda kakkala buyo zii ncobeni a kuyuba, nywebo mulizi. Taakwe muntu wakandizi, akwalo. Oyo mulombe uusiya waka ndilangalanga, kati, “Sena ulizi mpabede?”

168 Nda kayeeya. Nde—Nde elede kubeja na kucita cintucimwi. Aboobo Nda kati, “Kobutumana awa.”

Wa kati, “Iiyi, munene?”

Nda kati, “Ndi yanda kukwaambila cintucimwi.” Nda kati, “Nde—Ndime.”

Wa kati, “Ee, koyabuya atala awo.”

169 Elyo Nda kati, “Peepe, Nse konzyi. Mwabona,” Nda kati, “Ndi samide bulukwe obu buniini bwakaindi bwa lupetopeto lupapalete a T-sheeti eyi niini.” Nda kati, “Tee ndakonzya kuunka atala awo.”

170 Wa kati, “Balo bantu tabakwe makani a mbo samide. Koyabuya atala awo.”

Nda kati, “Peepe, peepe.” Nda kati, “Koumuna zii, utaambi cintu eno.”

171 Elyo baka jokela ku maikrofooni kwakaindi kaniini, kati, “Muntuunzi uuzi mpabede William Branham?”

172 Wa kati, “Ngooyu awa! Ngooyu awa! Ngooyu awa!” Oh, ma! Awo Nda katanta nkesamide T-sheeti niini, nywebo mulizi. Elyo mpaawa Nda . . .

173 Wa kati, “Amuboole atala, Ba. Branham, tu yanda kuti mutuletele mulumbe.” Oh, ma, kumbele lya bakambausi boonse, uhm, bantu boonse! Elyo Nda kaunka atala nkeya buyubilila, nywebo mulizi. Busyu bwangu kabusubila nkambo kamause, a matwi angu kababa. Elyo Nda keenda kuyabuyubilila atala, bulukwe bwamulembo walupetopeto lupapalete a T-sheeti, mukambausi, mukambausi wa Baptisti kayabuya atala ku maikrofooni, njetana bwene yomwe, nywebo mwabona.

174 Elyo Nda kaima awo, Nda kati, “Ee, Nse—Nse—Nse zyi kujatikizya eci.” Nda kali kukwakwalika, kulibilika ncobeni, nywebo mulizi. Elyo—elyo Nda kasika oku koonse kuli Luka 16, elyo Nda kayeeya, “Ee, lino . . .” Elyo Nda—Nda kazwidilila aa ciyo, “Elyo wa katambya meso akwe mu gehena, a kulila.” Elyo Nda ka . . . Aboobo Nda—Nda katalika kukambauka, nywebo mulizi, alimwi Nda kakambauka a kulimvwa kabotu loko aniini. Elyo Nda kati, “I muntu muvubi wakali mu gehena, alimwi wa kalila.” Ayo mabala maniini otatwe, mbuli Mbwe jisi nkambauko zinji mbuli eyo, “Sena Ulasyoma Eci,” alimwi “Koamba Ku Mwaala,” mwaka ndimvwa nke zikambauka. Elyo Nda kajisi, “Elyo mpawo wa kalila.” Elyo Nda kati, “Kwiina bana okuya, nincobeni kutali mu gehena. Mpawo wa kalila.” Nda kati, “Kwiina malubaluba okuya. Mpawo wa kalila. Kwiina Leza okuya. Mpawo wa kalila. Kwiina Kristo okuya. Mpawo wa kalila.” Mpawo Nda kalila. Cintucimwi caka

ndijata. Ma! Oh, ma! Kumane, Nse zyi cakacitika. Cindi ni Nda kampempenukwa, Nda kaimvwi aanze. Balo bantu kabakwiila a koongolola a kulila, alimwi Mebo, twa kajisi ciindi cilemu cigambya.

175 Cindi ni Nda kazwa anze kwakali mulombwana wakaboola kuli ndime kasamide ngowani mpati ncobeni ina Texas, magwamazulu mapati, wakeenda kumbele, kati, “Ndi Mwaalu *Niini-a-niini*.” Mukambausi, kasamide magwamazulu abeembeli be ng’ombe, zikobela zya beembeli be ng’ombe.

Nda kayeeya, “Ee, bulukwe bwangu bwamulembo walupetopeto lupapalete tee bwakali bubi loko nkokuti.”

176 Kati, “Ndi yanda kuti ukaboole ku musanza mu Texas a kundi citila muswaangano wa lubukuluso.”

177 “Uh-huh, andi lembe eco aapepa, badaala.” Elyo Nda cilemba aapepa mbuli boobo.

178 Mpaawa mulombwana wakasika kasamide bumwi bwa malukwe, maniini amusyobo wakubelesya kuuma gofu, oko nkobakali kusobana gofu, nywebo mulizi, kasamide tulukwe oto tuniini twabubambe bwempuwo twakali kubelesegwa aa basikuuma goofu. Wa kati, “Ndi Mwaalu *Niini-a-niini* kuzwaku Miami. Nda botelwa ku . . .”

179 “Ma, ndiza kusama takubikilwi maanu loko kuli nkuko.” Nda kakulanga, elyo Nda kayeeya, “Ncibotu.”

180 Aboobo Nda kakwempa zintu ezi, nkabela Nda kaunka ku ng’anda. Mukaintu wangu waka ndiswaana, waa kati, “Nkaambonzi ncolimvwisya kukkomana loko, Billy?”

181 Nda kati, “Oh, Nda kaswaana nkamu ya bantu babotu maningi. Ma, nimbotu maningi njo kasola kubona. Balo bantu tabafwi bweeme ku bukombi bwabo.” Elyo, oh, Nda kamwaambila makani oonse anjiyo. Elyo Nda kati, “Elyo kolangisya awa, oyandwa, mulongo woose wa kutambwa. Balo bantu!”

Waa kati, “Tabali babumbulusi basalala, mbo babede na?”

182 Nda kati, “Nse zyi musyobo waba bumbulusi mbo babede, pele bajisi cintucimwi Nce kabulide.” Mwabona? Nda kati, “Eco—eco ncecentu comwe Nceli masimpe.” Nda kati, “Nda kabona mudaala, wa myaka iili makumi ali fuka yakukomena, wakapiluluka kuba mukubusyi.” Nda kati, “Nsena mvwide kukambauka kuli boobu mu buumi bwangu. Baa, Nsena bwene muna Baptisti kakambauka boobo.” Nda kati, “Bala kambauka mane bafundilila kuyoya, a kufugama ku mazwi abo mane do ku cibuye, balaima alimwi, akujata kuyoya kwabo. Inga wabamvwa kutantamuka kwa nkamu zya mayake manji zyobile, kaba cikambauka.” Elyo Nda kati, “Nsena—Nsena mvwide boobu mu buumi bwangu.” Elyo Nda kati, “Ba laambaula mu mulaka uutazizilwe, elyo umwi umbi ulaamba eco nco babandika.

Tandina mvwide boobo mu buumi bwangu!” Nda kati, “Sa uyo unka a ndime?”

¹⁸³ Waa kati, “Oyandwa, cindi ni Nda akwatwa kuli nduwe, Ndiyo kkalikila kuli nduwe kusikila lufu luka twandaanye.” Wa kati, “Ndiyo unka.” Waa kati, “Lino, tuyo ambila bantu.”

¹⁸⁴ Elyo Nda kati, “Ee, ko baambila banyoko nkabela Ndiyo ambila bamaama.” Aboobo twa...Nda kaunka a kwaambila Bamaama.

¹⁸⁵ Bamaama bakati, “Ee, masimpe, Billy. Kufumbwa cintu Mwami ncaka kwiitila kucita, ko cicita.”

¹⁸⁶ Elyo aboobo ba Muka. Brumbach baka ndilomba kuti ndiboole. Kaunka kutala. Ba kati, “Ncinzi eci ncoambaula?”

¹⁸⁷ Elyo Nda kati, “Oh, ba Muka. Brumbach,” Nda kati, “nyoonse tamuna bona bantu bali boobu.”

Ba kati, “Ko umuna! Ko umuna!”

Nda kati, “Iyi, baama.” Nda kati, “Nda usa.”

Elyo ba kati, “Sena ulizi kuti eyo ni nkamu ya babumbulusi basalala?”

¹⁸⁸ Nda kati, “Peepe, baama, Nse zyi obo.” Nda kati, “Masimpe balo—balo mbantu babotu.”

¹⁸⁹ Ba kati, “Muzeezo nguonya! Sena uyeeya kuti inga wasungilizya mwana wangu musimbi kuba akati ka zintu mbuli zeezyo!” Kati, “Bufuba! Ezyo tazili zintu cita masifwilila ayo mabungano amwi nga kasowa.” Ba kati, “Nincobeni! Uta kasanduli mwana wangu musimbi kuba boobo.”

¹⁹⁰ Elyo Nda kati, “Pele, mulizi, ba Muka. Brumbach, kungsi kwa moyo wangu Ndi limvwa kuti Mwami uyanda kuti ndiinke a balo bantu.”

¹⁹¹ Ba kati, “Ko jokela kutala lya mbungano yako kusikila bakakonzye kukuyakila ng’anda ya bupaizi, a kulilemeka mbuli mwaalumi ujisi kuyeeya kumwi kubotu.” Kati, “To kotola mwana wangu musimbi pe kubusena kuya oko.”

Nda kati, “Iyi, baama.” Nda kanyona a kweenda kuzwa.

¹⁹² Elyo Hope wakatalika kulila. Waa kazwa, waa kati, “Billy, kakutakwe kulanganya eco Bamaama nco bamba, Njo kkala a nduwe.” Lelekwe moyo wakwe!

Elyo Nda kati, “Oh, kuli kabotu, oyandwa.”

¹⁹³ Elyo Nda kacilekela buyo kucitika. Teeba kakonzya kuzumizya mwana wabo musimbi kuunka a bantu bali boobo nkaambo “Bakali masifwilila buyo.” Elyo aboobo Nda kabaanga ndacilekela buyo kucitika. Bwakali bulubizi bubu maningi mbo Nda kasola kucita mu buumi bwangu, bumwi bwa bubu maningi.

¹⁹⁴ Kwiinde kaindi kaniini, myaka misyoonto yakainda, bana bakasika. Elyo buzuba bumwi twa kali...Mpaawo kwakasika

zambangulwe, mu 1937. Mpaawo kwakasika zambangulwe. Elyo besu. . . Nda kali mu mulimo wakulangalanga ku ciindi eco alimwi Nda kali kusola kukukonzya kwangu maningi kugusya bantu ku zambangulwe, maanda kaamwaika. Elyo mukaintu wangu wini wakaciswa, alimwi waa kali cisidwe loko, loko ku kamano. Elyo baka mugusya. . . I cibbadela calyoonse cakali zwide maningi cakuti tii twakakonzya kumubikka muya, aboobo twa kamugusya kumutola ku i—i cilawo ca mfulumende oko nkoba kajisi busena kuya. Elyo aboobo mpawo baka ndiita kujokela anze. Elyo lyoonse Nda kali kukkala ku mulonga, a simaato uukubwene, aboobo Nda kali kusola kubweza bantu, kubavuna ku zambangulwe. Elyo mpawo Nda kali kunga. . . umwi. . .

¹⁹⁵ Baka ndiita, kati, “Kuli ng’anda kuya ku Kagwagwa ka Chestnut, ilaafwi kubbila. Kuli mutumbu a nkamu ya bana mukati kuya,” kati, “ikuti na uyeeya kuteeti bwaato bwako, njini yako inga yanjila kuli mbabo.”

Nda kati, “Ee, Njo cita coonse Nce konzya.”

¹⁹⁶ Elyo Mebo, nkeyasa mayuwe ayo. I buyake businkila zambangulwe bwaka mwaika atala awo, alimwi, oh, ma, i. . . kudonkaula buyo dolopo. Elyo Nda kali kunga ndatila peturo oonse ngo Nda kali kukonzya, elyo kumalekelo kuselemukila aa tukondo a kwiinda mu masena. Elyo Nda kasika kuya muni oko kwakali buyake bwaku tambwida beenzu bwakaindi nkobwakabede, maanzi kaakunka moonse. Elyo Nda kamvwa muntuumwi kakwiila, elyo Nda kabona mutumbu kaimvwi anze mu kkota. Elyo kwakali mayuwe malamfu akazimbide kayabuya mbuli boobo. Ee, Nda kazumanana kuya kutala ku nzila *eyi* kuciimo nko Nda kali kukonzya, a kuuma kalonga a kujoka a kuba ku lubazu olo. Nda kaimikide bwaato bwangu mu ciindi ceelede ncobeni kubwaangilila ku munsende, wa cikunguzyo, wa cikunguzyo ca mulyango na cikunguzyo ca kkota. Elyo Nda kazuzila mukati a kukwempa mutumbu a kumu bikka muya, a bana bobile na botatwe. Elyo Nda kaangulula bwaato bwangu a kumu bweza. . . kujoka. Kazwa mu nzila kuselemukila ansi, a kumu bweza kuya ku nkomwe, kutandila maile a cisela ku dolopo, mane Nda kamu sisya ku nkomwe. Elyo mpawo cindi ni Nda kasika kokuya, waa kawizuka. Elyo wakacita kutalika. . . waa kali kukwiila, “Mwana wangu! Mwana wangu!”

¹⁹⁷ Ee, Nda kayeeya kuti waakali kupandulula kuti waa kasiya muvwanda mu ng’anda. Oh, ma! Nda kajoka alimwi kuciindi nobakali kusola ku mubamba. Elyo, Nda kaboola kujana kuti, ya kali. . . na waa kali kuyanda kuziba oko muvwanda wakwe nkwakabede. Kwakali mulombwana muniini wakali kutandila myaka iili yotatwe, elyo Nda kali kuyeeya kuti waa kali kupandulula kunyonsya muvwanda muniini na cintucimwi.

198 Elyo aboobo Nda kajoka a kusika kokuya. Elyo cindi ni Nda kabweza bwaato obo a kunjila mukati nkabela tii ndaka jana muvwanda, a kkota lya kayaamuka a ng'anda yakabbila. Elyo Nda kazuza cakufwambaana loko a kukwempa i—i cibeela awo cakali kwiibula bwaato bwangu, kanjila mu bwaato, a kukwela eco a kucaangulula.

199 Elyo caka ndigusya kuya mu kweenda kwa meenda ikwa mulonga mupati kale. Elyo kwakali kutandila ku ilevini theeti masiku, elyo kwakali kuloka buyo civulamabwe a caanda. Elyo Nda kakwempa katambo kakutalisya kulizya nkabela Nda katalika kukwela bwaato, nkabela tii bwakatalika kulila, alimwi Nda kasola nkabela tii bwakatalika kulila, elyo Nda kasola alubo. Kuya buswena loko mu kweenda oko ikwa meenda, namutitima kali anselelo buyo lyangu. Elyo Nda kali kusola canguzu maningi, elyo Nda kayeeya, “Oh, ma, ngaaya—ngaaya magolelo angu! Nge ngawo!” Elyo Nda kali kunga ndasola canguzu maningi. Elyo Nda kati, “Mwami, kaka uta ndilekeli kufwa a lufu mbuli loolu,” elyo Nda kali kunga ndakwela alimwi Nda kali kunga ndakwela.

200 Elyo cakajokela kuli ndime, “Ino makani a nkamu eyo ya masifwilila oko nkota kaunka?” Mwabona? Uh-huh.

201 Nda kapilusya janza lyangu aa bwaato, elyo Nda kati, “Leza, kondifwida luse. Uta ndilekeli kusiya mukaintu wangu a muvwanda mbuli boobu, alimwi balo kabacididwe kubusena oko! Kaka!” Elyo Nda kazumanana buyo kukwela mbuli boobo, nkabela tii bwakakonzya kutalika kulila. Elyo Nda kakonzya kumvwa kuvuuma kunselelo oko, nkaambo Nda... Maminiti buyo masyoonto, alimwi, oh, ma, ni cakaba ncico. Elyo Nda kati, “Mwami, ikuti na Ula ndijatila, Nda Ku syomezya kuti Ndiyo cita cintu cili coonse.” Kafugama mu bwaato obo awo, nkabela civulamabwe kaci nduuma ku busyu. Nda kati, “Ndiyo cita cintu cili coonse Neo yanda kuti ndicite.” Elyo Nda kakwela alubo, nkabela bwakatalika kulila. Elyo Nda katila mungwimba oonse ali mbubo mbuli Mbwe kakonzya, elyo kumalekelo ndakasika ku nkomwe.

202 Elyo Nda kajoka kuyojana mootokala mupati, mootokala mupati wakulinguzya. Elyo Nda kayeeya zya... Kwakali bamwi babo bakati, “Yawe, busena bwa mfulumende bwazwaa kumwaigwa.” Mukaintu wangu a muvwanda mukati muya, boonse bavwanda.

203 Elyo Nda katalika kweenda kuya kubusena bwa mfulumende canguzu mbuli mbo Nda kali kukonzya, a maanzi akali kulampa kutandila tukokola tuli kkumi atosanwe kuyansi muli koonse kwaco. Elyo kwakali silutwe mupati awo, elyo Nda kati, “Silutwe mupati, ncenzi cacitika ku cibbadela?”

Kati, “Lino, utapengi. Sa kuli muntu ngo jisi mukati muya?”

Nda kati, “Iyi, i—i mukaintu ucisidwe a bavwanda bobile.”

204 Wa kati, “Boonse bakazwa.” Kati, “Bali mu mootoka uubwezazintu elyo baunka ku Charlestown.”

205 Nda kazuza, kunjila mu bwato bwangu a...na kunjila mu mootokala wangu, a bwaato bwangu kusule kwa njiyo, elyo kazuzila kubusena kuyo...Elyo mpawo tulonga tuniini twaka boola ansi kutandila mamaile obile a cisela na otatwe mu bukwasule. Elyo busiku boonse Nda kasola ku... Bamwi babo bakati, “I mootokala mupati, mootokala mupati uubwezazintu, kapyanga myootokala mipati kubusena oko ambali yazikwabilizyo.”

206 Ee, ndakali jana endikke atakwe busike aa kasuwa kaniini, kakkala awo kwa mazuba otatwe. Nda kajisi ciindi cinji cakuyeeya kuti naa Ayo akali masifwilila na pe. Kuuma buyo, “Ulikuli mukaintu wangu?”

207 Kumalekelo cindi ni Nda kamujana, mu mazuba masyoonto akainda ni Nda kazwa a kuzabuka, waa kali kutala ku Columbus, Indiana, mu Buyake bupati bwa Baptisti oko nkoba kapanga i—i mbuli cibbadela, masena abalwazi aa tulo twa mfulumende. Elyo Nda kazuzila kuli nguwe canguzu mbuli Mbwe kali kukonzya, kusola kubona mpa kabede, nkekwiila, “Hope! Hope! Hope!” Elyo Nda kalanga, elyo ngooyo waa kali lede aa kalo, nkabela TB yakatalika akuyabuya.

Waa kanyamuna janza lyakwe liniini litondezya zifuwa, elyo waa kati, “Billy.”

Elyo Nda kazuzila kuli nguwe, nkabela Nda kati, “Hope, oyandwa.”

Waa kati, “Ndi boneka bubi, Embo na?”

Nda kati, “Peepe, oyandwa, uboneka kabotu.”

208 Kutandila myeezi ili cisambomwe twa kabeleka a zintuzyoonse zyakali muli ndiswe, kusola kuvuna buumi bwakwe, pele waa kazumanana kuba aciimo cakali buya bubija a kubija.

209 Buzuba bumwi Nda kali mu mulimo wakulangalanga elyo Nda kayasizye redio yangu, elyo Nda yeeya kuti Nda kabamvwa kabaamba, amwiite aa redio, kati, “Kuli William Branham, layandika ku cibbadela ndyoonya eno, mukaintu ulimukufwa.” Nda kabindaana kujoka ku cibbadela cakufwambaana mbuli Mbwe kakonzya, kayasya malaiti asubila a kulizya sailini, akutalika kweenda. Elyo mpawo Nda—Nda kasika ku cibbadela nkabela Nda kaima, kazuzila mukati. Nke selemuka kwiinda mu i—i cibbadela, Nda kabona mulongwe wangu wamunsi muniini ngo twakali kuzela awe, twa kabeleka antoomwe mbuli balombe, Sam Adair.

210 Dokotela Sam Adair, ngu umwi waka boolelwa cilengaano kutali ciindi cilamfu cainda a kumwaambila makani aa kabbadela. Elyo wa kati, ikuti muntu umwi wakazumbauzya

cilengaano, komwiita buyo akuvuntauzya, uyanda kuziba makani naa akali luzi na pe.

²¹¹ Elyo aboobo mpawo ngooyu wakayutuka mbuli boobo, elyo wa kajisi ngowani yakwe mu janza lyakwe. Wa kandilanga nkabela wa katalika buyo kulila. Elyo Nda kamuzuzila, kawaala maboko angu aali nguwe. Wa kabikka maboko akwe aali ndime, kati, “Billy, uli mukufwa.” Wa kati, “Nda usa. Nda kacita koonse Nkwe kakonzya kucita, Nda kajisi basyazibwene babumwi a zintuzyoonse.”

Nda kati, “Sam, masimpe tali mukufwa!”

Kati, “Inzya, uli mukufwa.” Elyo wa kati, “Uta njili muya, Bill.”

Elyo Nda kati, “Nde elede kunjila, Sam.”

Elyo wa kati, “Uta ciciti. Utaciti, kaka utaciti.”

Nda kati, “Andi njile.”

Kati, “Ndiyo inka a nduwe.”

²¹² Nda kati, “Peepe, ko kkala anze awa. Ndi yanda kukkala a nguwe mu maminiti akwe amamanino.”

Kati, “Uli suntukide.”

²¹³ Nda kanjila mu kaanda. Elyo narsi wakali kkede awo, elyo waa kali kulila nkaambo walo a Hope bakali kwiiya antoomwe. Elyo aboobo Nda kalingula, nkabela waa katalika kulila, katambika janza lyakwe. Elyo katalika kweenda okuya.

²¹⁴ Elyo Nda kalingula, a kumu zunganya. Ngooyu mbwakabede, waa kaunka ansi kuzwa kukutandila mapaundi aali mwaanda amakumi obile, kusika kutandila makumi ali cisambomwe. Elyo Nda—Nda kamu zunganya. Elyo ikuti na Nda pona kwa myaka iili mwaanda yakukomena, Nse kalubi caka citika. Waa kacenguluka, nkabela meso ayo mabotu mapati ncobeni aka ndilanga. Waa kamwetamweta. Waa kati, “Nkaambonzi wandibusya, Billy?”

Nda kati, “Oyandwa, Nda mvwa buyo kwambilizigwa.”

²¹⁵ Nda keelede buyo kubeleka. Twa kali sakene mu nkongole nkabela myaanda ya madollar ya cikwelete ca dokotela, nkabela taakwe cakwiibbadelela aco. Elyo Nda kacita buyo kubeleka. Elyo Nda kali kumubona kwa ziindi zyobile na zyoatatwe a buzuba, a masiku oonse, elyo mpawo cindi nakali muciiimo eco.

Nda kati, “Upandulula nzi kuti, ‘Ku’ kuku ‘busya?’”

²¹⁶ Waa kati, “Bill, waka kambauka makani a Ndilyo, wa kaambaula makani a Ndilyo, pele to jisi muzeezo obo Mbo libede.”

Nda kati, “Ino ubandika nzi?”

²¹⁷ Waa kati, “Julu.” Waa kati, “Kolanga,” waa kati, “Ndali kusindikilwa kuyaku Muunzi a bantu bamwi, baalumi na

banakazi na cintucimwi. Basamide zituba.” Elyo waa kati, “Ndali mukulikwaya amu luumuno.” Kati, “Bayuni bapati babotu kabauluka ku cisamu a cisamu.” Waa kati, “Uta yeeyi kuti Ndili nyongene mukuyeeya.” Waa kati, “Billy, Ndiyo kwaambila bulubizi bwesu.” Waa kati, “Kokkala acuuno.” Tii ndakacita; Nda kafugama ansi, kabweza janza lyakwe. Waa kati, “Sena ulizi ali bulubizi bwesu?”

Elyo Nda kati, “Iiyi, omuyandwa, Nda cita.”

218 Waa kati, “Ni twata kaswiilila Bamaama. Balo bantu bakali luzi.”

Elyo Nda kati, “Ndi cizi.”

219 Waa kati, “Kondi syomezya eci, kuti uyounka ku bantu abo,” kati, “nkaambo bali luzi.” Elyo waa kati, “Ukaba komezye bana bangu munzila eyo.” Elyo Nda . . . Waa kati, “Ndi yanda kukwaambila cintucimwi.” Waa kati, “Ndili mukufwa, pele” kati “nku . . . Nse—Nse yoowi kuunka.” Kati, “Nku—nku botu loko.” Waa kati, “I cintu luzutu, Nda bijilwa kukusiya, Bill. Elyo Ndi zyi ujisi bana aba bobile baniini baku komezya.” Waa kati, “Kondi syomezya kuti—kuti toka kkali koli olikke a kulekela bana bangu kaba tuntulisigwa kuzwa ku munsende kuyaku cikunguzyo.” Eco cakali cintu camaanu ku mutumbu wa myaka ili makumi obile aomwe yakukomena.

Elyo Nda kati, “Nse konzvi kusyomezya eco, Hope.”

220 Waa kati, “Kaka kondi syomezya.” Kati, “Cintu comwe Nce yanda kukwaambila.” Kati, “Ula yeeya raifo eyo?” Ndili muntu uyandisisya buyo kujatikizya ntobolo. Elyo waa kati, “Yebo wakali kuyanda kuula raifo eyo buzuba obo nkabela to kajisi mali akubwene kuti upe mali acitondezyo ku kuula kwacikwelete.”

Nda kati, “Iiyi.”

221 Waa kati, “Nda kali kuyobola mali angu, maseenti angu manji, kusola kubbadela kutaanzi ku kuula kwacikwelete kwa raifo yako eyo.” Waa kati, “Lino, cindi kwamana oku wakujoka ku muunzi, ukalange aa sofa livungululwa kuba bulo . . . na bulo bupeta, kuni lya kapepa ako atala, elyo uyo jana mali awo.” Waa kati, “Kondi syomezya kuti uyoula raifo eyo.”

222 Ta muzi nzila Mbwe kalimvwa cindi ni Nda kabona dollar eelyo a maseenti ali makumi aliciloba aosanwe (mu maseenti manji) kaabi kkidwe awo. Nda kaula raifo.

223 Elyo waa kati, “Ula yeeya na cindi eco nokali kuunka ku musika mupati kuyo nduulila masookesi, alimwi twakali kuunka ku Fort Wayne?”

Nda kati, “Iiyi.”

224 Nda kaliko kuzwa ku kuzela nswi, elyo waa kati . . . Twa kacita kuyaku Fort Wayne, Nda kakambauka masiku ayo.

Elyo waa kati, “Yebo ulizi, Nda kakwaambila, ‘Kuli misyobo yobile yandeene’” Amwi a tegwa “mapuling’i.” Elyo amwi ategwa nzi, masokesimalemu? Mbombubo na? Masokesimalemu a mapuling’i. Ee, kufumbwa na ngaali, mapuling’i akali mabotu kwiinda. Mbombubo na? Elyo waa kati, “Lino, ka nduulile mapuling’i, lusakatizyo luzwide.” Sena mulizi cintu eco cijisi cintu ciniini kusule lya masookesi, alo atala? Elyo tii Nda kazi zintu kujatikizya zisani zya banakazi, aboobo Nda . . .

²²⁵ Elyo Nda kalikuya buselemuka mu kagwagwa a kuya bwaamba, “Mapuling’i, mapuling’i, mapuling’i, mapuling’i,” kusola kuzumanana kuyeeya zya, “mapuling’i, mapuling’i, mapuling’i.”

Muntuumwi wakati, “Kwaamba, Billy!”

²²⁶ Nda kati, “Oh, kwaamba, kwaamba.” “Mapuling’i, mapuling’i, mapuling’i, mapuling’i.”

²²⁷ Elyo Nda kasika kukanyoneno nkabela Nda kaswaana Ba. Spon. Ba kati, “Yawe, Billy, sena ulizi kuti tuswi tutegwa perki twakuzundana mu kulobola tuli mukulida kabotu eno kuyaku lubazu lwamamanino ku munsende wa ccito?”

Nda kati, “Masimpe loko, sa mbombubo?”

“Inzya.”

Nda kayeeya eno, cindi ni Nda musiya, “Cakali cintu nzi eco?” Nda kaciluba.

²²⁸ Aboobo Thelma Ford, musimbi Ngwe kazi, wakali kubelekela mu cintooolo ca teni seenti. Elyo Nda kalizi kuti balasambala masookesi aa banakazi okuya, aboobo Nda kaunka kokuya. Nda kati, “Koamba, Thelma.”

Elyo waa kati, “Koamba, Billy. Uli buti? Uli buti Hope?”

²²⁹ Elyo Nda kati, “Kabotu.” Nda kati, “Thelma, Ndi yanda masokesi aa Hope.”

Waa kati, “Hope tayandi masokesi.”

Nda kati, “Iiyi, baama, ulayanda ncobeni.”

Kati, “Sa waamba masookesi.”

²³⁰ “Oh, masimpe,” Nda kati, “ayo nge ngawo.” Nda kayeeya, “Uh-oh, Nda katondezya kubula kwangu kwaluzibo.”

Elyo waa kati, “Musyobo nzi ngwa yanda?”

Nda kayeeya, “Uh-oh!” Nda kati, “Musyobo nzi ngo mujisi?”

Waa kati, “Ee, tu jisi masookesimalemu.”

²³¹ Tii ndazi lwandaano. Masookesimalemu, mapuling’i, oonse amvwika bumwi. Nda kati, “Nga ngawo Nge yanda.” Waa kati . . . Nda kati, “Ndibambile ngawo, lusakatizyo luzwide.” Elyo waa . . . Nda cimvwa bulubide. Ino ncinzi?

Bupange buzwide. “Bupange buzwide.” Elyo aboobo Nda kati, “Ndibambile ngawo.”

²³² Elyo cindi na kasika kwaapa ndime, akali kuulwa buyo kutandila maseenti aali makumi otatwe, maseenti ali makumi obile na maseenti ali makumi otatwe, kutandila kucisela ca muulo. Ee, Nda kati, “Kondipa mbali zyobile.” Mwabona?

²³³ Elyo Nda ka jokela ku muunzi, elyo Nda kati, “Yebo ulizi, oyandwa, nywebo no banakazi mulavwima kuula koonse ku dolopo kuti mujane zya kuula zyamuulo waansi.” Nywebo mulizi nzila mbo muyanda kulilemya. Elyo Nda kati, “Pele awa, langa awa, Nda ula mbali zyobile ku muulo ngo muula yomwe. Mwabona?” Nda kati, “Oh, oko—oko nkukonzya kwangu kundigeme.” Mwabona, Nda kati—Nda kati, “Yebo ulizi, Thelma wandi sambalila aya.” Nda kati, “Antela waa ndilekela kuti ndaule kucisela ca muulo.”

Waa kati, “Sa waula mapuling’i?”

²³⁴ Nda kati, “Iiyi, baama.” Oonse akali kumvwika bweelene kuli ndime, tii Nda kazi kuti kwakali lwandaano luli loonse.

²³⁵ Elyo waa kandaambila, waa kati, “Billy.” Nda kayeeya bweenzu cindi nakasika ku Fort Wayne, waa kacita kuula mbali imbi ya masookesi. Waa kati, “Nda kaapa banyoko,” kati, “nga bamacembele maningi.” Kati, “Nda usa kuti Nda kacita ceeco.”

Elyo Nda kati, “Oh, kuli kabotu, oyandwa.”

²³⁶ Elyo waa kati, “Lino, uta—uta kaponi koli olikke.” Elyo waa kati. . . Ta kazi cakali afwi kucitika mu maora masyoonto kuzwa aciindi eco. Elyo Nda kajatilila maanza akwe aaluyando kuciindi Baangelo ba Leza niba kamutola.

²³⁷ Nda kaunka ku muunzi. Tii ndakazi cakucita. Nda kalala awo masiku nkabela Nda kamvwa. . . Ndi yeeya kuti yakali mbeba niini, yakali mu masuwa akaindi omo motwa kabikkide mapepa. Elyo Nda kajala mulyango kubelesya kuulu kwangu, elyo mpaawo kwakali kulengelela gemesi lyakwe kusule, (elyo kalede omo mubikkilwa bafu). Elyo mu ciindi buyo cisyoonto muntuumwi waka ndiita, kati, “Billy!” Elyo wakali Mukwesu Frank Broy. Wa kati, “Muvwanda wako uli mukufwa.”

Nda kati, “Muvwanda wangu?”

²³⁸ Kati, “Iiyi, Sharon Rose.” Kati, “Dokota uli kutala kuya lino, elyo kati, ‘Ujisi menijaitisi ya kakweekwe ka kuboongo, waka kanyonka kuzwa kuli banyina.’” Elyo kati, “Uli mukufwa.”

²³⁹ Nda kanjila mu mootokala, kainka kutala kuya. Elyo ngooyo mbwakabede, muntu muniini uyandwa. Elyo baka mubinzya ku cibbadela.

²⁴⁰ Nda kaunka kubusena kuyomubona. Sam wakasika a kwaamba, “Billy, uta njili mu kaanda ako, weelede kuyeeya Billy Paul.” Kati, “Uli mukufwa.”

Nda kati, “Dokota, Nde—Nde elede kubona muvwanda wangu.”

²⁴¹ Wa kati, “Peepe, to konzyi kunjila.” Kati, “Ujisi menijaitisi, Billy, nkabela inga waitola kuli Billy Paul.”

²⁴² Elyo Nda kalindila mane wa kazwa anze. Tii ndaka konzya kwiima kumubona kafwa, a banyina kabalede kunselelo kuya mu busena bubambilwa baya kukuzikkwa. Nda mwaambila, nzila ya sikubisya ni njumu. Elyo Nda—Nda kaunka, kasobelela kunjila ku mulyango, elyo cindi Sam nakazwida anze a narsi nakazwida anze, Nda kaselemukila mu kaanda kaansi. Calo ncibbadela cisyooonto. Waa kali mubusena bwakumbali, nkabela nzinini zyakali mu meso akwe maniini. Elyo baka jisi kaniini. . . nke twiita kuti “kazamba ka mansenya,” na lusabwe luniini ku meso akwe maniini. Elyo waa kunga. . . a kuganyuka kuniini, kuulu kwakwe kuniini kupapalete kwakali kunyamuka a kuyaansi mbuli boobo, elyo maanza akwe maniini, a kuganyuka oko. Elyo Nda kamulanga, nkabela waa kali buyo mupati kweelede kuba musongo, kutandila myeezi ili lusele yakukomena.

²⁴³ Elyo banyina bakali kunga bala mukkazika abusena awo kasamide matebela, nywebo mulizi, mu lubuwa, cindi ni Ndali kunga ndasika. Elyo Nda kali kunga ndalizya mweembo, elyo waa kalikunga weenda, “koyaa-koyaa, koyaa-koyaa,” kutambikizya kuli ndime, nywebo mulizi.

²⁴⁴ Elyo mpaawo kwakalede muyandwa wangu, kafwa. Nda kagogomana kuli nguwe, elyo Nda kati, “Sharry, ulimuzi Taata na? Ulimuzi Taata na, Sharry?” Elyo cindi na kalanga. . . Waa kali kupengana canguzu loko mane limwi lya meso ayo abbulu mabotu maniini lya kacengama. Waa kali kuboneka kuzutula moyo wangu kuzwa muli ndime.

²⁴⁵ Nda kafugama ansi, Nda kati, “Mwami, ncinzi Nce kacita? Sena tee Nda kakambauka Makani mabotu mu tunyoneno toonse twa migwaga? Nda kacita zintuzyoonse Nze kazi kucita. Uta cilwaniki kuli ndime. Tee ndakaita bantu abo kuti ‘masifwilila.’ Wakali nguwe wakaita bantu abo kuti ‘masifwilila.’” Nda kati, “Nda usa cakacitika coonse. Kondi lekelela. Uta—uta toli muvwanda wangu.” Elyo kuciindi ne Nda kali kukomba, kwa kabonekela mbuli cisiya. . . mbuli cisila na cilembo kaciselukila ansi. Nda kaziba kuti Wa ka ndikakila.

²⁴⁶ Lino, nceeco cakali ciindi cibyaabi maningi a ciyumu maningi ca buumi bwangu. Cindi ni Nda kabuka a kumulanga, elyo Nda kayeeya. . . Saatani wakabikka mu mizeezo yangu, “Ee, yebo waamba kuti mbuli canguzu mbo kakambauka, a nzila mbo kaponi, nkabela lino cindi caboola ku muvwanda wako wini, Ula kukakila?”

²⁴⁷ Elyo Nda kati, “Mbo mbubo. Ikuti na Ta konzyi kuvuna muvwanda wangu, nkokuti Nse konzyi. . .” Nda kaleka. Nse—

Nse kazyi ca kucita. Elyo mpawo Nda kaamba eci, Nda kati, “Mwami, Wa kamupa ndime nkabela Wa ndinyanzya nguwe, lilelekwe Zina Iya Mwami! Ikuti na akwalo Wa nditola, Ndi cino Ku yanda.”

²⁴⁸ Elyo Nda kabikka janza lyangu aali nguwe, Nda kati, “Ule lekwe, omuyandwa wakumoyo. Taata wakali kuyanda kukukomezya, a moyo wangu oonse Nda kali kuyanda kukukomezya, a kukukomezya kuyanda Mwami. Pele Baangelo ba boolela nduwe, omuyandwa wakumoyo. Taata uyotola mubili wako muniini kunselelo a kuyo ulazika mu maboko aa Bamaama. Ndiyo kuzikka a mbabo. Buzuba bumwi Taata uyo kuswaana, ko nolindila buyo kutala oko a Bamaama.”

²⁴⁹ Cindi banyina noba kali kufwa, ba kati, majwi amamanino ngoba kaamba, ba kati, “Bill, kakkale mu mulimo.”

²⁵⁰ Nda kati, “Ndiyo. . .” Waa kati. . . Nda kati, “Ikuti na Ndi nooli mu mulimo cindi A boola, Ndiyo bweza bana a kuswaana. Ikuti na ta Ndili mumo, Ndiyo zikkwa muni lyako. Elyo kuya oko ku lubazu Iwa janza lyalulyo ilya mulyango mupati, elyo cindi wa kubona boonse babo kaba njila, ukaiame awo a kutalika koongolola, ‘Bill! Bill! Bill!’ cakumvwika loko mbuli mbo konzya. Ndiyo kuswaana okuya.” Nda kamunyonta kulaya. Ndili mu busena bwakulwanina nkondo sunu. Kwakaba myaka itandila ku makumi obile yakainda. Ndi jisi kulikwaya kwangu kwa luyando a mukaintu wangu, Ndiyo muswaana.

²⁵¹ Elyo Nda kabweza muvwanda muniini, cindi na kafwa, a kumubikka mu maboko a banyina, nkabela twa kamutola ku namaumbwe. Elyo Nda kaima awo kumvwa Mukwesu Smith, mukambausi wa Methodist oyo wakakambauka aa dilwe, “Itwe ku itwe, bulongo ku bulongo.” (Elyo Nda kayeeya, “Moyo ku moyo.”) Mpaawo waa kaunka.

²⁵² Kutali ciindi cilamfu cainda kumane eco, Nda katola Billy muniini oko cifumo cimwi. Wa kali musankwa buyo muniini. Wa kali. . .

²⁵³ Ako nkekaambo ula yaamana kuli ndime alimwi Nda yaamana kuli nguwe, Nda kacita kuba Wisi a Banyina (koonse) kuli nguwe. Nda kali kunga ndabweza bbodela lyakwe liniini. Tii twakali kukonzya kuba amulilo masiku wa kukasaazy a mukupa wakwe, elyo Nda kali kunga ndali limbilila buyo kusule mbuli boobu a ku likasaazy a ku kupya kwa mubili wangu.

²⁵⁴ Twa kayaamana antoomwe mbuli balongwe bamunsi, elyo bumwi bwa mazuba aya cindi Nda kuzwa mu mulimo Ndi yanda kuyomupa Ijwi, a kwaamba, “Kozumanana, Billy. Ko kkala a Ndilyo.” Bantu bamwi bala gambwa kaambo Nce mubweza kuba a ndime ziindi zyoonse. Nse konzyi kumuleka pe. Walo ulikwete akwalo, pele Ndi ciyeeya waa kandaambila, “Kokkala a nguwe.” Elyo tula yaamana antoomwe mbuli balongwe bamunsi.

255 Nda yeeya kweenda koonse ku dolopo, bbodela mu nkwa ya kuboko kwangu, wakali kunga walila. Busiku bumwi wa kali . . . twa kali kweenda anze kusule lya lubuwa oko buyo . . . (Cindi nakali kulibambila kuba anguwe, waa kali manukilidwe, elyo Nda . . . musimbi buyo, nywebo mulizi.) Elyo Nda kali kunga ndeenda koonse akoonse kuzwaku musamu wa mubanga wakaindi kusule lya lubuwa. Elyo wa kali kulilila Banyina, nkabela tii Nda kajisi Banyina baku mutola. Elyo Nda kali kunga ndamubweza, Nda kali kunga ndaamba, “Oh, oyandwa.” Nda kati . . .

256 Wa kati, “Bataata, bali kuli bamaama? Sena mwaka babikka mu bulongo omo?”

Nda kati, “Peepe, oyandwa. Bali kabotu, bali ku Julu.”

257 Elyo wa kaamba cintucimwi oko, catika ndijaye, masikati amwi. Wa kali kulila, kwakali ku mangolezya loko, elyo Nda kali mubede kusule mbuli *boobo*, kumubweza a kkuko lyangu a kumuumauma mbuli *boobu*. Elyo wa kati, “Baatata, kaka amundi janine Bamaama a kubaleta kuno.”

Elyo Nda kati, “Oyandwa, Nse konzyi kuba jana Bamaama. Jesu . . .”

Kati, “Ee, ko mwaambila Jesu kuti atume bamaama. Nda bayanda.”

258 Elyo Nda kati, “Ee, oyandwa, Nda . . . mebo a nduwe tuyo babona ciindicimwi.”

Elyo wa kaleka, kati, “Bataata!”

Elyo Nda kati, “Iiyi?”

Kati, “Nda bona Bamaama kutala kuya aa kkumbi eelyo.”

259 Ma, catika ndijaye! Nda kayeeya, “Ma! ‘Nda bona Bamaama kutala kuya aa kkumbi eelyo.’” Nda tii wizuke biya. Nda gwambatila musankwa muniini kutala lya camba mbuli *boobo*, elyo kagogomeka buyo mutwe wangu, kazumanana kunjila.

260 Mazuba akainda. Tii ndaakonzya kuciluba. Nda kasola kubeleka. Tee ndakonzya kupiluka ku muunzi, tii wacili muunzi limbi. Elyo Nda kali kuyanda kukkala. Tee ndaka jisi cintu pele zintu buyo zyamung’anda ezyo zyakakulauka zyakaindi, pele cakali cintucimwi eco walo a Ndime nco twa kabotelwa antoomwe. Wakali muunzi.

261 Elyo Nda yeeya buzuba bumwi Nda kali kusola kubeleka mu milimo yabuleya iyacisi. Nda kaunka kuyolungisya mbali zizwida malaiti zyakaindi, yakali kulengelela aansii, kwakali kuseeni maningi. Elyo Nda katanta aa mpanda eyi. (Elyo tee Nda kakonzya kumusiya muvwanda. Nda kakonzya kubona mukaintu wangu keenda, pele muvwanda oyo keenda, muntu buyo muniini.) Elyo Nda kali awo, nkabela Nda kali kwiimba, “Aa cilundu kulaale loko, kwakaimvwi Ciingano

cakaindi cakagalankene.” Elyo mbali zitambula malaiti zyakali kuselemukila ku transifoma a kuzwa kunjila (nywebo mulizi) mbali zizwida malaiti. Elyo Nda kali kulengelela awo aali njiyo. Elyo Nda kalanga, elyo zuba lyakali kubuka kunze lyangu. Elyo awo, maanza angu kaakwazamukide a citondezyo ca Ciingano eco aali i—aa muselemuko wa cilundu. Nda kayeeya, “Iyi, zyakali zibi zyangu zyaka Mu bikka aalya.”

²⁶² Nda kati, “Sharon, oyandwa, Bataata bayanda ku kubona kapati, oyandwa. Obo mbo Ndi yanda kukujata mu maboko angu alimwi, yebo o muntu muniini uyandwa.” Nda kalibilika loko akunyongana. Zyakali mwiki. Nda kasomona magrovu angu aamupila. Ngaayo mavooti aali zyuulu zyobile amyaanda yotatwe kaenda nkoonya ku lubazu lwangu. Nda kasomona magrovu angu aamupila. Nda kati, “Leza, Nda bijilwa kucita ceeci. Ndili mukandu.” “Pele, Sharry, Bataata bayo kubona a Bamaama mu maminiti masyoonto buyo.” Katalika kusomona magrovu angu, kubikka janza lyangu aa zyuulu zyobile amyaanda yotatwe. Ni kwaka mwaika... Baa, inga kota nojisi bulowa busyeede muli nduwe. Elyo aboobo Nda—Nda—Nda katalika kusomona magrovu ayo, nkabela cintucimwi cakacitika. Cindi ni Nda kasika ku, Nda kakkede aansi a maanza angu mujulu mbuli *boobu*, ku busyu bwangu, nkelila. Lwakali luzyalo lwa Leza, kunze lyaboobo ni Nda takali nooba a miswaangano ya kuponya kuno, Ndili masimpe kuli ceeco. Wa kali Nguwe kakwabilila cipego Cakwe, kutali ndime.

²⁶³ Nda katalika kuya ku muunzi. Nda kaleka, kayaamika ambali zibelesyo zyangu. Elyo ndaka joka, Nda kati, “Ndiya ku muunzi.”

²⁶⁴ Nda katalika koonse ku ng’anda, elyo Nda kabwezela lugwalo mu ng’anda, kakubaanga kulatontola, elyo Nda kanjila. Twa kajisi kaanda komwe kaniini, Nda kali kulala a kalo kaniini awo, elyo bube bwaciindi bwacaanda bwakali kuboola, a citofu eco cakaindi. Nda kabweza lugwalo nkabela Nda kalanga mu lugwalo, elyo cintu citaanzi cakali muya bwakali buyobozi bwakwe buniini bwa Krisimasi, maseenti ali makumi aali lusele, “Ba Sharon Rose Branham.” Nceeco mbo cakabede, koonse alimwi.

²⁶⁵ Nda kali sikulangalanga wa banyama. Nda kasika muya a kubweza ntobolo yangu, pisto, kuzwa ku ciyumwido. Nda kati, “Mwami, Nse—Nse konzyi kuciinka obu, Ndili—Ndili mukufwa. Nda—Nda penzegwa maningi.” Nda kasomona nsando aa ntobolo, kaibikka ku mutwe wangu, nkefugeme awo a kalo mu kaanda ako kamudima. Nda kati, “Taata wesu Oyo uuli ku Julu, lilemekwe Zina Lyako. Bwami Bwako buboole, luyando Lwako lucitwe,” elyo mbo Nda kasolela, nkabela Nda katyanka kalesuzyo canguzu mbuli Mbwe kakonzya, Nda kati, “aa nyika mbubonya mbo lubede ku Julu. Ko tupa buzuba buno cakulya ca mazuba oonse.” Elyo tii yaka lesuka!

266 Elyo Nda kayeeya, “O Leza, sena Uli mu kundizapaula buyo? Ncinzi Nce kacita? Wa ndikasya akwalo kufwa.” Elyo Nda kawalila ansi ntobolo, nkabela yaka lesuka a kudubula kwiinda mu kaanda. Nda kati, “Leza, nkaambonzi Ne tafwi a kuzwa kuli ncico? Nse konzyi kuzumanana kuya ambele. We elede kundi citila cintucimwi.” Elyo Nda kawida atala a kutalika kulila aa bulo bwangu buniini, bwakaindi awo buyakilidwe.

267 Elyo kweelede kuti Nda kaunka kuyoolala. Nse zyi naa Nda kali koonna na eco cakacitika.

268 Lyoonse ndakali kusukamina kuba Kumbo. Lyoonse ndakali kuyanda imwi ya ngowani. Bataata bakatyola ng’ola mu mazuba abo abukubusyi, nkabela lyoonse Nda kali kuyanda imwi ya ngowani. Elyo Mukwesu Demos Shakarian waka nduulila yomwe jilo, imwi ntaanzi Nje kajisi (lyoonse njekajisi) mbuli eyo, imwi yazyo ya misyobo iya ngowani zya kumbo.

269 Elyo Nda kayeeya kuti Nda kali kuyabuselemuka kwiinda mu nkwaalale, nkeimba lwiimbo olo, “Kuli mvwili aa cikocikala lityokede, citondezyo aa mpulasi mpati yazivubwa, ‘La Sambalwa.’” Elyo mbo Nda kali kweenda, Nda kabona cikocikala cakaindi civumbidwe, mbuli cikoci cakavumbidwe cakali kubelesegwa mu nkwaalale, nkabela mvwili lyakali tyokede. Mubwini, eco cakali kwiminina mukwasyi wangu wakatyoka. Elyo mbuli mbo Nda kali kuya buswena, Nda kalanga, elyo mpaawo kwakaimvwi i—i musimbi mukubusyi, mubotu loko, utandila ku myaka ili makumi obile yakukomena, masusu atuba kapekema a meso aabbulu, kasamide zituba. Nda kamu langalanga, Nda kati, “Wapona buti?” Kazumanana.

Waa kati, “Kamwaamba, Bataata.”

270 Elyo Nda kacebuka, Nda kati, “Bataata?” “Baa,” Nda kati, “buti, Ba, sa inga wa . . . sa inga Ndaba bauso kakuli uli mupati mbuli Mbwe bedede?”

271 Waa kati, “Bataata, ta muzi buyo nko mubede.”

Elyo Nda kati, “Upa ndulula nzi?”

272 Wa kati, “Eli ndi Julu.” Kati, “Aa nyika Nda kali Sharon wanu muniini.”

“Baa,” Nda kati, “oyandwa, wakali muvwanda buyo muniini.”

273 Kati, “Bataata, bavwanda baniini tabali bavwanda baniini kuno, ta bafwiki pe. Taba cemaali nanka kukomena.”

274 Elyo Nda kati, “Ee, Sharon, oyandwa, uli—uli mwanakazi, mukubusyi mubotu.”

Waa kati, “Bamaama bala mulindila.”

Elyo Nda kati, “Okuli?”

Waa kati, “Kutala ku muunzi wanu mupya.”

275 Elyo Nda kati, “Muunzi mupya?” Bana Branham mba simutuntuli, taba jisi miinzi, ba buyo. . . Elyo Nda kati, “Ee, Taakwe ne kajisi muunzi, oyandwa.”

276 Waa kati, “Pele muli jisi omwe kutala kuno, Bataata.” Ta ndaambi kuba muvwanda, pele nca kasimpe loko kuli ndime. [Mukwesu Branham walila—Mul.] Mbo Ndi talikila ku ciyeeya, coonse cila jokoloka alimwi. Kati, “Muli jisi omwe kuno, Bataata.” Ndi lizyi Ndi jisi omwe okuya, buzubabumwi Ndiyo unka kuli nguwo. Wa kati, “Ulikuli Billy Paul, mukwesu wangu?”

277 Elyo Nda kati, “Ee, Nda musiya kwaba Muka. Broy, maminiti buyo masyoonto ainda.”

Kati, “Bamaama bayanda kumu bona.”

278 Elyo Nda kanyona a kulanga, elyo mpaawo kwakali masena mapati aa nkumekume, elyo Bulemu bwa Leza kabufufumuka kuzunguluka ngawo. Elyo Nda kamvwa kkwaya lya Baangelo kaliimba, “Muunzi Wangu, Muunzi mubotu.” Nda katalika kutanta matantilo malamfu, kuzuza canguzu mbuli Mbwe kakonzya. Elyo ni Nda kasika ku mulyango, ngooyo waa kaliimvwi, kasamide zikobela zituba, masusu ayo asiya, malamfu, kalengelela ku musana wakwe. Waa kababamuna maboko akwe, mbuli mbwa kali kucita lyoonse cindi Nda boola ku muunzi nkekatede kuzwa ku ncito na cintucimwi. Nda kamujata ku maanza, nkabela Nda kati, “Oyandwa, Nda bona Sharon kuselelo okuya.” Nda kati, “Waa kaba musimbi mubotu, embo na?”

279 Waa kati, “Iiyi, Bill.” Waa kati, “Bill.” Kandibukata a maboko akwe, (elyo waa kati) koonse buyo ku makuko angu, waa katalika kundumauma, waa kati, “Koleka kupengaana makani aa ndime a Sharon.”

Nda kati, “Oyandwa, Nse konzyi kucisandula.”

280 Waa kati, “Lino Sharon a Ndime tuli kabotu maningi kwiinda mbuli mbobede.” Elyo kati, “Uta cinopengaani limbi kujatikizya ndiswe. Sena ula ndisyomezya?”

281 Elyo Nda kati, “Hope,” Nda kati, “Ndi jisi bukata maningi bwa nduwe a bwa Sharon, nkabela Billy ulalila ziindizyoonse nkambo ka nduwe.” Nda kati, “Nse zyi cakucita kuli nguwe.”

282 Elyo waa kati, “Kuyooba kabotu, Bill.” Waa kati, “Kondi syomezya buyo kuti to cikapengaani limbi.” Elyo waa kati, “Sa inga to kkala aa cuuno?” Elyo Nda kalanga koonse nkabela kwakali cuuno cipati ncobeni.

283 Elyo Nda yeeya Nda kasola kuula cuuno. Lino, mu kujala. Nda kasola kuula cuuno ciindi cimwi. Twa kajisi buyo zyalo zyuuno zyalyonse zyakapangwa aamapulanga kungsi zyakaindi—zyakaindi zya kabambilwa bubambe obo bwa tulimbabula. Twa kacita kuzibelesya, zyuuno buyo nzo twaka jisi. Elyo twakali

kukonzya kuula cimwi ca zyuuno ezi nzo mulekela kusule kwini, mbuli i. . . Nda luba musyobo wa cuuno cipati cakupumwida akulikwaya ca maboko. Elyo cakali kuulwa madollar ali kkumi aciloba, elyo inga wabbadelela limwi madollar otatwe a dollar lyomwe mu mvwiki. Elyo twa kaula comwe. Elyo, oh, cindi ne Nda kali kunga ndanjila. . . Nda kali kunga ndabeleka buzuba boonse, a kukambauka mane aakatikamasiku koonse ku tugwagwa a kufumbwa nko Nda kali kukonzya kukambauka.

²⁸⁴ Elyo—elyo Mebo buzuba bumwi Nda kasyaalila ku kubbadela kwangu. Tee twaka cikonzya, elyo cakaba kuti buzuba a buzuba, elyo kumalekelo buzuba bumwi bakasika a kubweza cuuno cangu a kucitola. Obo busiku, Nse kalubi pe, waa kandi jikilide cheri pai. Muntu muniini wakaindi mucete, waa—waa—waa kalizi kuti Ndiyo tyompwa. Elyo kumane cilalilo Nda kati, “Ino ncinzi cibotu kapati kujatikizya masiku aya, oyandwa?”

²⁸⁵ Elyo waa kati, “Yaawe, Nda bamba balombe okuya mu busena bweengelede ku kusyida banamola baku zelesya. Sena to yeeyi kuti tweelede kuunka kunselelo ku mulonga a kuzela nswi kwaciindi cisyoonto?”

Elyo Nda kati, “Iiyi, pele. . .”

²⁸⁶ Elyo wa katalika kulila. Nda kaziba kuti kwakali cintucimwi cilubide. Nda kajisi muzeezo nkaambo bakali ndituminide kale kuzibya kuti bakali kuboola ku zocibweza. Elyo tii twaka konzya kubbadela oko kwa dollar lyomwe mu mvwiki. Tii twa kakonzya, teetwakacita. . . kakonzya kucicita. Waa kandi gwambatila a maboko akwe, elyo Nda kainka ku mulyango nkabela cuuno cangu cakatulwa.

Waa kandaambila Kutala kuya, waa kati, “Yebo ulayeeya cuuno eciya, Bill?”

Elyo Nda kati, “Iiyi, oyandwa, Nda yeeya.”

Kati, “Eco ncencico ncookali kuyeeya, embo na?”

“Inzya.”

²⁸⁷ Kati, “Ee, taba katoli cimwi eci, eci caka bbadelelwa.” Waa kati, “Kokkala aa cuuno kwakaindi buyo kaniini, Ndi yanda kwaambaula kuli nduwe.”

Elyo Nda kati, “Oyandwa, Nse mvwisyi eci.”

²⁸⁸ Elyo waa kati, “Kondi syomezya, Billy, kondi syomezya kuti to cikapengaani limbi. Ula joka lino” Elyo kati, “Kondi syomezya kuti to kapengaani.”

Elyo Nda kati, “Nse konzyi kucita ceeco, Hope.”

²⁸⁹ Elyo mpawo biyo Nda kasikaku, kwakali kusiya mu kaanda. Nda kalanga koonse, elyo Nda kamvwa maboko akwe kandi gwambatide. Nda kati, “Hope, sena uli muno mu kaanda?”

290 Waa katalika kunduumauma. Waa kati, “Sa uyo ndibambila cisyomezyo eco, Bill? Kondi syomezya kuti toka kwati...to cikapengaani limbi.”

Nda kati, “Nda kusyomezya.”

291 Elyo cindi mpawo na kanduumauma ziindi zyobile na zyoatatwe, nkabela waa kaunka. Nda kasotokela mujulu a kuyasya malaiti, kalanga koonse, waa kaunka. Pele waa kazwa buyo mu kaanda. Ta unkide, walo ucipona. Waa kali Munakristo.

292 Billy a Ndime twa kaunka ku cuumbwe kuno cindicimwi cainda, katu bwezede iduba lisyoono lya banyina a mucizi wakwe, cifumo buyo ca Pasika, elyo twa kaima. I muntu muniini waka talika kulila, wa kati, “Bataata, bamaama bali kungsi oko.”

293 Nda kati, “Peepe, oyandwa. Peepe, tabali kungsi oko. Mucizi tali kungsi oko. Tu jisi kubobela atala lya cuumbwe awa, pele kulaale kuzabuka lwizi kuli cuumbwe cijukide oko Jesu nkwa kabuka. Elyo buzubabumwi Uyo boola, Uyo letelele Mucizi a Bamaama kabali a Nguwe.”

294 Ndili mu busena bwakulwanina nkondo sunu, beenzuma. Nse—Nse konzyi kulungulula kumbi. Nda... [Mukwesu Branham woomoka—Mul.] Leza amu longezye. Atu kotamike mitwe yesu kwakaindi kaniini.

295 O Mwami! Ziindi zinji, Mwami, Ndi masimpe bantu taba mvwisiyi, cindi bayeeya zintu ezi kuti zilaboola mubuteteete. Pele kuli buzuba bupati buboola cindi Jesu akuboola nkabela buusu obu boonse buyo sindwa. Nda komba, Taata Wakujulu, kuti Uyo tu gwasya kulibambila.

296 Elyo cisyomezyo eco camamanino, cindi ni Nda kamyonta masaya akwe cifumo eco, kuti Ndiyo muswaana oko buzuba obo. Nda syoma unoinmwi ku cikunguzyo eco, kakwiilila zina lyangu. Nda pona cabwini ku cisyomezyo eco kuzwa eelyo, Mwami, ku nyika yoonse, mu misyobo yoonse ya masena, kusola kuleta Makani mabotu. Kuyabu cemaala lino, a kukatala, Nda zakala. Bumwi bwa mazuba aya Ndiyo jala Bbaibbele eli kwa ciindi camamanino. Elyo, Leza, kondi bamba usyomeka ku cisyomezyo. Kozambaila luzyalo Lwako ali ndime, Mwami. Tandilileki kulanga ku zintu zya buumi obu, pele kuponena zintu ezyo ziindilila. Kondi gwasya kuba uulomene. Nse lombeli ciimo cibotu citakwe buyumuyumu, peepe, Mwami, kakuli Kristo wangu wakafwa oko kungsi kwa mafwabi. Alimwi boonse bamwi babo bakafwa mbuli boobo. Nse lombeli cintu cili coonse citete. Kondi bamba buyo kuba uulomene, Mwami, walusinizyo. Kolekela bantu ba ndiyande kutegwa inga Nda basololela kuli Nduwe. Elyo buzubabumwi kwalo caakumana nkabela twa bungana kungsi kuzunguluka masamu agrini lyoonse, Ndi yanda kuyo mujata ku janza a kumweenzya atala, kutondezya bantu baku Tempele lya Angelus a boonse bamwi. Ciyooaba ciindi cilemu mpawo.

297 Nda komba kuti luse Lwako lube aali umwi aumwi wesu awa. Elyo abo bali waano, Mwami, antela Ta bakuzi akwalo. Elyo ndiza bajisi umwi muyandwa muniini kulaale kutala lya lwizi. Ikuti na tabana zulizya zisyomezyo zyabo, akube kuti bazicite eno, Mwami.

298 Kuciindi notu kotamikide mitwe yesu, Nda libuzya mu buyake obu bupati loko isikati eli, muli bongaye baamba kuti “Mukwesu Branham, Ndi yanda kuswaana bayandwa bangu, ambebo. Ndi—Ndi—Ndi jisi bayandwa kulaale buyo kulanduka mulonga”? Ndiza wakabamba cisyomezyo cakuti uyo baswaana, ndiza cindi nokaambila Bamaama kuti “ndamu siya” kutala kuya ku cuumbwe buzuba obo, ndiza cindi nokaambila Mucizi muniini kuti “ndaku siya,” na Bataata, na bamwi babo ku cuumbwe, kasyomezya kuyo baswaana, elyo yebo—kwiina nokabamba kulibambila oko akwalo. Sena to yeeyi kuti nciindi cibotu eno kucicita?

299 Amundijatile kulila kwangu kwakukakilwa kulijata. Pele, oh, ma, to mvwisiyi, mweenzuma. To zyi ino—ino nciuuzyo! Eyo taili mbaakani, pe, ya kaano ka buumi.

300 Muli bongaye nomuyanda kwiima eno a kweenda kumbele okuno ku mupailo, kwaamba, “Ndi yanda kuswaana bayandwa bangu”? Koima kuzwa mu nkamu yabantu a kuselemukila awa. Sa ula cicita? Ikuti na muntuumwi tana bamba kulibambila oko akwalo. Leza aku longezeze, munene. Nda bona mwaalumi mudaala uusiya kazwa, bamwi kababoola. Amulyeenzye nobeni, nywebo mu bbalukkoni atala awo, amuzwe buyo ncobeni akunjila mwakwiindila. Na amwiime, nywebo nomuyanda kwiibalukwa mu jwi lya mupailo ndyoonya eno. Nce ncico. Amwiime ncobeni ku matende anu. Eco ncibotu. Amwiime, koonse, nywebo nomunga mwati, “Ndi jisi taata okuya kulaale, Ndi jisi bamaama na umwi uyandwa okuya kulaale. Ndi yanda kwiinka kuyo babona. Ndi yanda kubaswaana mu luumuno.” Sena mulaima, amwiime buyo ku matende anu, kuli koonse mu nkamu yabantu. Amwiime ku matende anu, amwaambe kuti, “Ndi yanda kutambula.”

301 Leza aku longezeze, mulindu. Leza aku longezeze kusule oko. Elyo aku longezeze atala awo. Mwami aku longezeze awa, munene. Mbo mbubo. Atala mu bbalukkoni, Mwami aku longezeze. Koonse akoonse, masenaonse, amwiime ku matende anu kuba a jwi lya mupailo, kuciindi Muuya Uusalala nouliko a kweenda aa myoyo yesu, ku—ku—ku pwayaula.

302 Nywebo mulizi, eco mbungano ncoiyandika sunu nku pwayaulwa. Tu yandika kuselemukila ku Ng’anda ya Mubumbi. Lwiyo lwesu lwabukombi lwakabambilwa ku maanda luyumu ciindicimwi talu beleki kabotu loko. Eco nco tu yandika nkumwayaulwa kwa cianza cakaindi, lweempo mu myoyo


yesu, kuba balweela kuli Leza. Sena nkukoonse lino kuli balibambilide kwiima?

Atu kotamike mitwe yesu nkokuti ku mupailo.

³⁰³ O Mwami, Oyo wakabusya Jesu alubo ku i...kuzwa ku bafu, ku kutululamika toonse ku lusyomo, kusyoma. Nda komba, Mwami, kuti aba baimvwi lino ku matende abo kukutambula Nduwe, Nda lombela kuti kujatilwa kuyooba kuli mbabo. Elyo, O Mwami, Nda lombela kuti bayo Ku tambula mbuli Mufutuli a Mwaami a Sikuyanda wabo, elyo ndiza ba jisi baama na bataata na muntuumwi kutala buyo aa lwizi. Kuli cintu cimwi cili masimpe, ba jisi Mufutuli. Akube kuti bajatilwe zibi zyabo, a milandu yabo yoonse imwaigwe, kuteeti buntu bwabo buka sanzigwe mu Bulowa bwa Kabelele, nkabela bapone mu luumuno kuzwa kuciindi eci kuyabuya.

³⁰⁴ Elyo buzuba bumwi bwabulemu kwaakumana koonse, akube kuti tu kabungane ku Ng'anda Yako, a kuba kokuya mbuli mikwasyi itamwaiki, kuyo swaana bayandwa besu abo balindila ku lubazu lumbi. Eci, twa batuula kuli Nduwe, kuti "Uyo mubamba mu luumuno lulondokede oyo uula moyo usimpidwe ali Nguwe." Ko cipa, Mwami, mbuli mbo tuba tuula kuli Nduwe. Mu Zina Iya Mwana Wako, Mwami Jesu. Ameni.

³⁰⁵ Leza amu longezye. Ndi masimpe kuti babelesi bali bwene awo mpo mwiimvwi, nkabela bayooba a ndinywe ncobeni mu maminiti masyoonto.

³⁰⁶ Elyo lino kuli baabo bayo tambula makkaadi a mipailo. Billy, ulikuli Gene a Leo, bali kusule na? Bali kokuno kuvozya makkaadi aa mipailo mu maminiti buyo masyoonto. Mukwesu ulamwaisya nkamu yabantu mu mupailo, elyo makkaadi aa mipailo ayo vozegwa. Tula jokela kunõ mu kaindi kaniini buyo, ku kombela balwazi. Ncibotu, mukwesu. 

KAANO KA BUUMI BWANGU TNG59-0419A
(My Life Story)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa isikati Munsondo, Mukubwekangala 19, 1959, ku Angelus Temple mu Los Angeles, California, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obu busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2018 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubeleseghwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org